

GO NETEFATŠA

LENTSU LA GAGWE



A re inamišeng dihlogo tša rena sebakanyana. Morategi Tate wa Legodimong, re a leboga gore re fa bošegong bjo. Re, re leboga gore re a tseba Bogona bja Gago bo fa le rena. Bjale re a rapela gore O tla direla yo mongwe le yo mongwe wa rena, bjalo ka ge re ne tlhoko. Re e kgopela ka Leina la Jesu. Amene. (Le ka dula.)

² Go no kwagala gabotse go ba le digodišamantšu tše di phela. Ke bile maswabi go ba mokgwa wa go hlakahlakanya yela godimo maabane, Molaetša wo ke nyakilego le o hwetše ga bohloko bjalo.

³ Gomme ke nyakile lena le be le kgonthe go bona seo. Ke se—se sekgwaparetšo seo re nago le sona. Ga se ra kgwaparetšwa ke kereke. Re kgwapareditše go Kriste, le a bona. Yena ke Tsela yela e nnoši. Yena ke lefelo le nnoši la polokego, lefelo le nnoši leo Modimo a kilego a bea Leina la Gagwe. Gomme Modimo o rile o tla kopana le batho mo lefelong A le kgethilego go bea Leina la Gagwe; e sego go kgoro ye itšego, eupša go kgoro yeo A e kgethilego. Gomme mo lefelong leo O tla kopana le batho, gomme fao go nnoši. Gomme re hwetša gore Modimo ga se nke a bea Leina la gagwe mo gongwe eupša go Morwa wa Gagwe, Jesu Kriste, ka ge morwa ka mehla a tšea leina la tatagwe.

⁴ Gomme bjale le re, “Gabotse, seo se direga eng lehono? Yo mongwe le yo mongwe o re, ‘Ke ka go Jesu.’”

⁵ Yena ke Lentšu. Leo, “Mathomong go bile Lentšu, gomme Lentšu le be le le go Modimo, gomme Lentšu e be e le Modimo. Lentšu la dirwa nama le go dula magareng ga rena.” Gape, go ngwadilwe go Kutollo tema ya 19, ge re mmone ge A etla, Monyadiwa le Monyadi, seaparo sa Gagwe se kgamathetše Madi, “Leina la Gagwe o biditšwe ‘Lentšu la Modimo.’” Ke yena Lentšu la Modimo.

⁶ Gomme, yeo ke, ke Yena maatla a go phediša. Ke Yena Moya wo Mokgethwa ke wona, ma—ma maatlatshepedišo ao a tlogo ka gare ga tša metšhene, Mantšu, wo o A dirago a phele. Gomme e swanetše yohle go šoma mmogo, goba e tla no se šome. E swanetše go tšea Beibele ka moka, Kriste ka moka, Ebangedi ya go tla.

⁷ Ke nyaka go re, go phanele ye yeo ke e bogetšego mo thelebišeneng bošego bja go feta, ke tsebile e ya go ba gona, gomme ke e bogetše. Ke rata go fa baena ba dipataka, bona bao ba bilego ka go phanele, mokgwa wola wa bokgwari ba arabilego dipotšišo! Gomme ke moswaswalatši kudu, le a tseba, golebjalo,

eupša ga se go be le selo go swaswalatša fale. E bile mmapale ka phethagalo, gomme nka dumelelana le seo, diphesente tše lekgole le letee. [Phuthego e phaphatha diatla—Mor.] Ke a le leboga. Amene. Tšona dikarabo di be di le thwi go maleba. Ka kgonthe ke thabela seo. Ke no duma feela nka be ke bile le filimi go bontšha ka go kereke ya ka kua gae. E bile go go bose ka kgonthe.

⁸ Gomme ke leboga bjang go tseba gore—gore Modimo o dirile ntle ka go dikgao tše dingwe, ntle le sehlopha sa rena beng sa Pentacostal, gomme ba topela godimo banna, peu yela ya Modimo, yeo e bego e robotše ntle fale mengwaga ye yohle, e letile Seetša go phadima go di putla.

⁹ Gomme gape e re fa tšhebotšo, bagwera, go tseba gore Jesu o rile, “Ge kgarebe ye ya go robala e thomile go tla ka gare go reka Oli, yeo e bile gona ge Monyadi a tlilego.” Kafao re kgona go bona ka seo, ge re bona Maepiscopalian, Mapresbyterian, Mamethodist, Mabaptist, Malutheran, ba etla ka gare go hwetša Oli, gona yeo e bile iri yeo Monyadi a tlilego. A re elelweng seo.

¹⁰ Ga se nka ka ba le Billy, morwa wa ka, go bolela seo go nna bjalo ka ge a dirile feela nakwana e se kae ya go feta. O rile, “Papa, ga ke go botše o dire eng. Ga ke re go go kgahliša ka se itšego, eupša,” a re, “papa, e ka ba eng o e dirago, bea nako ya gago yohle go bona batho ba ba babjago.” O rile, “ga se nke ka bona batho ba go babja ba bantši bjalo!” A re, “Ke file dikarata tše makgolopedi feela ka nakwana goba ye mebedi.” A re, “Go ne batho ba bantši kudu ba babjago!” Ga se gantši a ke a mpotše seo.

¹¹ Gomme gona ke tla bošegong bjo le dinoutso tše dingwe tše dinnyane di ngwadilwe fase fa, gomme le ditshwayo godimo ga kahlolo ye e tlogo godimo, le go tseba gore re dutše fa bošegong bjo le yona kgalefo ya Modimo e tšubutla ka tlase ga rena, gomme ka bjako o tla e swielela godimo. Le go tseba gore kgalefo ya Modimo e letile; feela ka nakwana ye e tla go boletwa, go tla ba go fedile, go dimilione. Le go tseba seo ka pelong ya ka, le go tseba e bjalo! Gomme gona re bona ba bantši bjalo ba go lwala, ba gatelela le go goga.

¹² Gomme ke naganne, “Bošegong bjo, boati bja bona ke Bakriste.” Gomme anke ke bolele go se, lena bana ba Modimo. E kaba eng le e dirago, le dumelele se sengwe le se sengwe se sepele. Le hlankela Modimo, mosegare le bošego, ka dipelo tša lena tšohle. Lena, le kgona go kwa go ne se sengwe se fošagetše. Le ka e bolela ge le sepela mo mekgotheng, le no . . . le mogongwe le mogongwe le yago. Le a tseba, ge le le ba semoya; gomme ke a tseba le bona.

¹³ Gomme ke be ke bolela le monna, Ngwanešu Stromei. Ga ke tsebe ge e ba Tony o fa, goba aowa. Yena, o be . . . [Ngwanešu o re, “Tony Salameh?”—Mor.] Tony Salameh, Salameh, Salameh?

Aowa. Ke hweditše Tony e sego yena. [Ngwanešu o bolela se sengwe.] Aowa, yoo ke Tony e sego yena. Yo ke Tony wa—wa—wa Tucson. Leina la gagwe ke mang? [Yo mongwe gape o re, “Stromei.”] Stromei! Ke a tseba ke Salameh, Stromei, goba yo itšego. Ke ne bohle. . .

14 Ka lebenkeleng la gagwe, letšatši le lengwe, go tlile monna ka gare, o be a ratha kudu, o be a bolela se sengwe seo se bušitšego morago kelelo go nna, ge ke. . . nako ya mafelelo ke bile ka—ka India.

15 Fao, ke nagana Morena o re file lešaba le legologolo re kilego ra ba le lona ka nako e tee, e bile ka Bombay. Re be e bile re sa hwetše mafelo fao re ka go ba bea, masome a dikete le dikete tša batho.

16 Gomme feela pele re fihla fale, go bile le kuranta e fetoletšwe. Gabotse, e bile, India ke naga ya malememabedi, e bile—e bile lephophe la Seisimane. Gomme ba re, “Gabotse, tšhišinyego ya lefase o swanetše go be o fedile, dinonyana di fofela morago go magae a tšona ka dihlageng tša tšona.”

17 Matšatši e se makae pele tšhišinyego ya lefase e etla, woo o wešeditšego fase magora le dilo. Dinonyana tše nnyane di ikhweleditše boširelo mo maswikeng, le go aga dihлага tša tšona; gomme ka morago ga sekgalela goba gare ga mosegare, mola letšatši le fiša ka kgonthe, diphoofolo tšohle di ema go dikologa maboto ale a maswika, go hwetša morithi. Gomme go matšatši a mabedi, dinonyana di dutše ntle mo mehlareng, di be di sa nke tša tla go dihлага tša tšona; gomme matšatši a mabedi, diphoofolo, dinku le dikgomo, di be di sa tle tikologong ka sekgalela, goba go ikhutša go rarela maboto ale. Di—di dutše ntle ka tšhemong le go ithekgae e tee go ye nngwe, go morithi.

18 Gomme gateete, tšhišinyego ya lefase, woo o no šikinya maboto le go wešetša fase meago. Gomme, le a bona, ge nkabe dinonyana tšela tše nnyane di ka be di bile ka fale, di ka be di bolailwe. Ge dikgomo di ka be di eme ka tlase ga lona, le dinku, di ka be di bolailwe. Modimo a sebotša tlhago!

19 Matšatši a se makae a go feta, fase ka lebenkeleng la Ngwanešu Tony, ke be ke theeditše monna fale yo a rilego. . . Ge tšhišinyego ya lefase ye e direga ka Alaska, o be a thea dihłapi fase ka go ye re e bitšago Stoney Point, ka Mexico. Gomme o rile, “Dinonyana di be di sa je, le dihłapi di be di sa je. Go be go ne se sengwe sa go fošagala. Gomme, gateete, tšhišinyego ya lefase ya thoma.”

20 Gomme letšatši le lengwe, ge yela ye nngwe e diregile godimo ka India, goba e kaba kae e bilego, o re o be a thea dihłapi gape. O naganne, “Gabotse, go a tlaba. Dihłapi tšela di ja e ka ba yona nako ye. Ga go ne go pshikologa ka meetseng, ga go felo. Meetse a no ba a homotše bjalo, nako ye phethagetšego go dihłapi go ja, eupša ga se nke tša ja. Gomme dinonyana tšohle tšeo ka mehla

di lego ntle kua, maganse, a topela godimo dihlapu tše le dilo, tšohle di be di itshepelela go dikologa mo letšibogong, di ikgohla e tee go ye nngwe. Ka nakwana e se kae, malele a lewatle gotšwa botlase a thoma go tla godimo ka tsela *ye*, tšhišinyego ya lefase e be e diragetše go putla lehlakore le lengwe la lefase.” Le a bona, tšona dihlapu di tsebile go be go ne se sengwe se fošagetšego, se sengwe se be se itokišetša go direga. Dinonyana tšela di tsebile sa go swana.

²¹ Kgontho, ge Modimo a efa hlapu le nonyana go hlatha, go kaakang bontši A ka fago bana ba Gagwe—ba Gagwe! Re a tseba gore re mo nakong ya bofelo, gomme kahlolo e letile, kafao a re beng ba tlhokofalo ka kgontho. Tšhabelang go Modimo ka dipelo tša lena tšohle! “O Kaperenaume, wena o phagamišeditšwego ka legodimong, o tla tlišwa fase ka heleng,” gomme lehono o dutše ka fase ga bolao bja meetse. E nngong elelwang, le rapele.

²² Bjale, bošegong bjo, ke nyaka go bala lefelo fa ka Lengwalong, feela metsotso e se mekae. Re ya go rapelela balwetši. Billy o rile o file ntle sehlopha sa dikarata tša go rapelela. Gomme o file ntle tše dingwe maabane, gomme ga se nke ke fihle le go ye e itšego ya tšona bošegong bja go feta. Gomme ke a makala, ge Moya wo Mokgethwa o tlile. . . E no ba. . . O ka se O dire o šome. Go no ba bjalo ka letsogwana le lennyane, o ikgogela ka bowena ka go kere. Ke wena o dirago tshepedišo ya Moya wo Mokgethwa, e sego nna. O dira seo ka bowena. Kafao ke, bošego bja go feta, ke lemogile le ka go go hlatha, ga se nke e topele godimo le batho feela thwi. Ga se ba ke ba bonagale ba e tšeela go yona. Ke e hweditše, fa moragorago, go bonala e ke, bontši goba bonnyane, feela bjalo ka ge ke be ke bolela, go bea diatla godimo ga balwetši, ba a tseba.

²³ Re swanetše re lemoge gore ka go rena go filwe, rena ba re dumelago Jesu Kriste gomme re tswetšwe ka Moya wo Mokgethwa le go tlatšwa ka maatla ao a go phediša, maatla ao a lego ka go wena. Ka go bea diatla, go ba bangwe, bjalo ka ge barutiwa ba dirile le tlase go kgabola lebaka, O fodišitše balwetši ka phethagalo, wa tsoša bahu, O bontšhitše dipono, diprofeto. Gomme wona Moya wo Mokgethwa wa go swana wo o phetšego makgatheng ga baapostola ba pelepele o phela ka go kereke lehono, o dira tšona dilo tša go swana. Gomme ka lebelo bjalo ge re ka lemoga seo! Le a bona, ga go tshwenyega bontši ka fao o šomago, o swanetše go lemoga woo le go dumela woo. Go ka se dire nthatana e tee ya botse, go fihla o o dumela. Eupša nakwana ye o o dumelago, mathata a gago a fedile. Yeo ke therešo.

²⁴ Bjale a re buleng ka go Lengwalo. Ke be ke dutše ntle fale, nakwana e se kae ya go feta, ka ngwala fase Mangwalo a mangwe a se makae, go fetola sehlogo sa ka go bošego. Gomme ke nyaka go bala a mangwe go tšwa go Lentšu la Modimo, go tšwa go puku ya Mokgethwa Luka, tema ya 8, go thoma ka temana ya 40. Theetšang bjale, ke ya go bala ka phatlalalo.

Gomme go diregile, gore, ge Jesu a boile, batho ba mo amogetše ka thakgalo: ka gore bohle ba be ba mo letile.

²⁵ A woo e ka se be mokgwatebelelo wo mmotse go kopano bošegong bjo?

Gomme, bonang, go tlile monna a bitšwago Jairo, gomme o be a le mmuši wa sinagoge: gomme o wetše fase mo maotong a Jesu, gomme a mo kgopela gore a ke a tle ngwakong wa gagwe:

Ka gore o be a ne morwedi wa gagwe a nnoši, a ka bago mengwaga ye lesomepedi bogolo, gomme o be a robetše a ehwa. Eupša bjalo ge a eya batho ba mo pitlaganya.

Gomme mosadi a ne taba ya madi mengwaga ye lesomepedi, yoo a feditšego tša boiphedišo bja bophelo gagwe godimo ga bomatwetwe, ga se nke a fodišwa le ke yo itšego,

O tlile ka morago ga gagwe, gomme a kgwatha morumo wa kobo ya gagwe: gomme ka bjakobjako taba ya gagwe ya madi ya ema.

Gomme Jesu a re, Ke mang a nkgwathilego? Ge bohle ba latotše, Petro le bao ba bego ba ne yena ba re, Morena, lešabašaba le go kgobokanetše le go go pitlaganya, gomme wena o re, Ke mang a nkgwathilego?

. . . Jesu a re, Yo mongwe o nkgwathile: ka gore Ke tsebile gore maatla a tlogile go tšwa go nna.

Gomme mosadi ge a lemogile gore ga se a utagala, o tlile a roromela, gomme a wela fase pele ga gagwe, gomme a bolela go yena pele ga batho bohle ke ka lebaka la eng a mo kgwathile, le ka fao a fodišitšwego ka bjakobjako.

Gomme a re go yena, Morwedi, rola pelo: tumelo ya gago e šetše e go dirile o fole; ikele ka khutšo.

Gomme ge a . . . bolela, fao yo itšego yo mongwe a tla go tšwa ngwakong wa mmuši wa sinagoge, a re go yena, Morwedi wa gago o hwile; se tshwenye Morena.

Eupša ge Jesu a kwele seo, o mo arabile, a re, Se boife: dumela feela, gomme morwedi o tla dirwa a fole.

Gomme ge a tlile ka ntlong, o ileditše go se tsene motho, ge e se Petro, . . . Jakobo, le Johanne, le tate le mme wa mosetsana.

Gomme bohle ba lla, . . . ba mo llela: gomme a re, Se lleng; ga se a hwe, eupša o robetše.

Gomme ba mo sega go kwera, ba tseba gore o be a hwile.

Eupša o ba ntšheditše ntle bohle, gomme o mo tšere ka seatla, gomme a bitša mosetsana, a re, Mosetsana, tsoga.

Gomme moya wa gagwe wa tla gape, gomme a tsoga yona nako yeo: gomme a laela a fiwe dijo.

Gomme batswadi ba gagwe ba be ba tlabegile: eupša a ba laela go se botše motho seo se dirilwego.

²⁶ Bjale a nke re rapele. Morategi Tate wa Legodimong, bjalo ge re bala Lentšu le, re tseba gore ye ke therešo. Se se diragetše. Ga se kanegelo ye e rilego ya nonwane yeo re ka go e bala go tšwa mohlomongwe go kuranta goba puku ye e rilego ya kanego ya boikgopolelo, eupša ye e tšwa go tšwa go Puku yeo re e tsebage go ba Lentšu la Modimo. Re a dumela e diragetše. Re dumela gore Jesu yo yoo a dirilego selo se bohlokwa se, makga a mabedi fa, ka mosadi wa taba ya madi, le ngwana wa go hwa, re dumela gore Ke Morwa wa Modimo, gore Modimo o Mo tsošeditše godimo go tšwa bahung gomme o Mo tlišitše go rena, bošegong bjo, ka motho wa Moya wo Mokgethwa.

²⁷ Gomme re dumela gore O ne rena fa bošego bjo. Gomme re dumela gore O a swana maabane, lehono, le go ya go ile, kwelobohloko ya Gagwe e fihlelela ntle go batho. Gomme bjalo ge batho ba Mo obeletša, dipelo tša go swana tšeo di filwego ka go letšatši lela di tla fiwa letšatšing le. E fe gape, Tate, gore re be le tlotšo e nanana. Bjalo ka Ngwanešu Shakarian a kgopetše ka tlhokofalo, lebakana la go feta, le go kgopela batheeletši go dumela, re kgopela gape mo Leineng la Jesu Kriste. Amene.

²⁸ Ke nyaka go bolela feela metsotso e se mekae, gomme yeo e tla no ba metsotso e se mekae, ka gore ke nyaka go hwetša bona batho ka dikarata tša thapelo godimo fa le go ba rapelela. Gomme go tlogela selo se sengwe se itšego eupša feela go rapelela balwetši. Eupša pele re rapelela balwetši, re swanetše re bee batho ka go mokgwatebelelo wola. Ke mokgwatebelelo woo ka mehla o tlišago dipelo. Ke mokgwatebelelo woo o o tšego go ya go Modimo.

²⁹ Fa go mosadi a kgwathile kobo ya Gagwe, o fodišitšwe, ka taba ya madi. Lesole le tshwetše sefahlego sa Gagwe le go bea mphaphahlogo wa meotlwa hlogong ya Gagwe, gomme a se kwe maatla.

³⁰ Ke mokgwa wa gago wa go batamela. Mokgwatebelelo ke se se e tšego. Gomme ke seo se lego bošegong bjo, bagwera barategi, go tšea mokgwatebelelo. Ke rena, le go dumela gore ke rena, ka Bogoneng bja Jesu Kriste, eupša ke mokgwatebelelo wa gago wo o tlišago dipelo. Tša mekheniki di fa, gomme go bjalo le maatlatshepedišo. Ge o ka kgona go no thoma, Modimo o tla dira ka moka.

³¹ Bjale, hlogotaba ye ke ratago go bolela ka yona, go nakwana e se kae, ke: *Go Netefatša Lentšu La Gagwe*. Bjale seo ke selo se segolo, go nagana ka seo: *Go Netefatša Lentšu La Gagwe*.

³² Bjale Modimo o no ba le bokgoni bja go netefatša Lentšu la Gagwe, bošegong bjo, bjalo ka ge a kile a Le netefatša. Gomme

Beibele gape e re, “Netefatšang dilo tšohle. Swarelelang go tšeo di lokilego.”

³³ Bjale le kwele, ga go pelaelo, le kwele seema sa bogologolo, “E netefatše, ke tla e dumela.” Eupša seo ga se sware therešo. Dinako tše dintši ke bone dilo tše dintši di netefaditšwe, tšeo di netefaditšwego ka kgonthe ka yona saense, gomme efela batho ga se ba e dumela golebjalo.

³⁴ Ke be ke bolela le monna, fa e se kgale botelele. Re be re bolela ka phodišo Kgethwa. O rile, “Nka se e dumele. Ga ke tshwenyege eng e tla direga, bontši ka fao o ka mpontšhago netefatšo ya sona, ke tla no fela ke sa e dumele.” Gabotse, ka kgonthe, ga go tshwenyege seo o ka tsogego wa se direla monna yola, o—o timetše. A ka se dumele. Ga go selo ka go yena, go dumela.

³⁵ Ke sa tšo ba le—le boitemogelo bjo bonnyane fa, e ka ba beke ya go feta, ka ge bohle le tseba gore ke—ke a tsoma. Gomme ge ke boa morago go tšwa kopanong ya ka, ke be ke tsoma tau. Gomme morago ga ge ke thothetše ka go Arizona, ke mo gobotse, ke rata go tsoma diphoofolo tše kgolo, gomme ke rata go tšwela ntle makgatheng ga tlhago le go e bogela.

³⁶ Bjale, ga se nna mmolai. Ke no tsoma. Kafao, ga—ga ke rate go senya phoofolo, ga—ke nagane go lokile. Ke nagana gore e no ba sebe kudu go bolaya phoofolo, ge o sa ye go e šomiša gomme o eya go e šomišetša morero, bjalo ka ge e ka ba go bolaya e ka ba eng gape. Ke nagana ke phošo. Ga ra swanela go dira seo. Modimo o re file yona go ba sejo le go merero, gomme ga ra swanela go e senya. Eupša bjale seo molao o rego o ka se tšea, go lokile. Feela o se e senye.

³⁷ Gomme ke fase kua, sehla se fedile go se sengwe le se sengwe gape. Ditau di bolaya boati bja dikgomo. Gomme ke tseba boati bja balemi godimo ka naganeng. Gomme nako ye nngwe le ye nngwe ge ba bolaile, gobaneng, ba a mpitšha, ge tau e tsene makgatheng ga dinku. Mogwera yo išego wa ka, bošego bjo bongwe, o lahlegetšwe ke ditolaratše e ka bago tše makgolo a masometharo tlhano, bošegong bo tee, ka tau ye tee e no bolaya dikwana. O tlile ka gare, gomme, nnete, ditau ka moka di ya go lefela sebe sa gagwe. Gomme kafao ke hweditše tau, gomme kafao e be e le tau ye kgolo bogolo, gomme kgato tše senyane botelele, gomme e imela kgauswi pedi se sengwe, kafao e be e le—e be e le tau ye kgolo bogolo.

³⁸ Gomme morago ke ile go tloga nageng ya Arizona, godimo ka go Utah, go tsoma. Gomme kafao ke boditšwe gore go be go ne batho godimo fale, gore monna yo ke bego ke yo tsoma le yena, e be e le morei wa mmušo, “Gomme, ka kgopelo, se bolele selo ka bodumedi, hleng le yena.” O rile, “Yena ka kgonthe o be a le moisa wa makgwakgwa.”

39 Gomme ka re, gabotse, ke boditše monna ke bego ke sepela le yena, ke rile, “Nka se e bolele.”

40 O rile, “O se ke wa re ‘moreri.’ Ge o ka dira, o ka se tsoge wa ya go tsoma. A ka se go tsee.” O rile, “Ke tsofile le yena matšatši a mararo, le go robala le yena bošego bjo bongwe le bjo bongwe, ka ja le yena letšatši le lengwe le le lengwe, gomme ga se nke a tsoge ebile a rile, ‘Moso wo mobotse. Le phela bjang? O nyaka se sengwe go ja? Hlatswa dibjana.’ Ga go selo!” O rile, “Bjale o no se bolele selo ka bjona.”

41 Ke rile, “Nka se bolele lentšu.” Kafao ga se ke mmotše nka se rapele, eupša ke no fela ke mmotša gore nna ke. . . Gomme ka rapela.

42 Kafao ge re fihla godimo fale, monna e be e le motho yo mothata kudu, gomme ga se ke nagane o dumela se se itšego. Gomme o be a sa tšo lahlegelwa ke lesea mašego a se makae pele ga fao, ngwana yo a belegwego a hwile. Kafao, re ile go tsoma. Gomme mo letšatšing la bobedi, monna ke bego ke tsoma le yena o mmoditše, o rile ke tsoma mogohle go rarela naga. Kafao ge motsomi yo mongwe, o be a ne nna, a sepetše, re be re le tsela godimo ga dintlhorwana; fao re sa tšogo kitimiša tau, go fihla re mo iša ka gare ga maswika, gomme o be a phonyokgile. Gomme kafao re be re dutše fale re letile mpša go bowa. Gomme monna yo a re go nna, a re, “Motsomi yo mongwe, mogwera wa gago, o mpotša gore o fela o tsoma mogohle. O ne tšhelete ye ntši?” O rile, “Ke a thanka ga se taba ya ka.”

43 Gomme ka re, “Aowa,” ka re, “ga se tšhelete ye ntši.” Ka re, “Ke—ke thekgwa ka mašeleng.”

44 Gomme o rile, “Oo, ke a bona.” O rile, “Gabotse, ke a thanka ga se taba ya ka gape, eupša,” a re, “o ne feme ye e go thekgago ka mašeleng?”

45 O be a e nganga thwi go tšwa go nna. Ke tshepišitše nka se ke, le a bona. Kafao ke rile, ya, ke rile, “Aowa, mohlomphegi. Ke nna moreri, moromiwa.”

A re, “Mo eng?”

46 Ka re, “Moromiwa.” Gomme o no ema le go ntebelela metsotso e se mekae.

47 Ka re, “A o ne kholofelo ya Bophelo mogaro ga fa? Kholofelo ya gago ke eng?”

O rile, “Ke nna moJack Mormon.”

Gomme ka re, “Mo eng?”

A re, “MoJack Mormon.”

Ka re, “Ke mohuta ofe woo?”

48 O rile, “Yo mongwe yo a roganago le go nwa kofi, le go kgoga disekerete.”

Ka re, “Gabotse, boipolelo bja go tshepega go loketše soulo.”

49 Gomme morago a re—a re, “Ke nyaka go go botšiša se sengwe.” A re, “Ke boditšwe gore kereke ya Mormon ke kereke ya nnete e nnoši e lego gona.” A re, “O dumela seo?”

50 Ka re, “Ge go etla go kereke, ke a thanka e no ba e lokile bjalo ka ye nngwe le ye nngwe ye tšona. Ke no tseba Therešo e tee, gomme yeo ke Jesu Kriste.” Ke rile, “Ke a tseba Yena ke Therešo.”

51 “Gabotse,” o rile, “ke bile le lesea le belegwe bošego bjo bongwe, a belegwa a hwile.” A re, “Ke boditšwe gore lesea le, gobane le belegwe le hwile, Modimo ga se nke a hemela mohemo wa bophelo ka go lona, gore nka se tsoge ka mmona gape.” A re, “O nagana eng ka seo?”

52 “Gabotse,” ke rile, “O ka se ke bjalo ka moJack Mormon, ka kgonthe o ka se ke. Seo ke selo se tee ka kgonthe, o ka se le bone ge feela o sa le bjalo ka moJack Mormon.” Gomme a re. . . Gabotse, o be a nkgorometša, kafao ke mo kgoromeditše morago gannyane, le a bona. Re bile—bile le nako go kgorometša morago. Kafao a re—a re. . . Ke rile, “Bothata ke eng?”

A re, “Oh, ga ke tsebe.” Gomme a re, “Gabotse, o nagana eng?”

Ka re, “Ke tsebana le ba bantši ba bakaone . . .”

53 Ke be ke sa tsebe o be a le Momormon. Gomme ke be ka kudu. . . Ke a tseba, go beng ka Utah, mohlomongwe e be e le, eupša ke. . . ka gore bontši bja batho godimo fale ke Mamormon, go dikologa Salt Lake City. Ye e be e se Salt Lake City, golebjalo. Kafao ke naganne, “Gabotse, ke bile le bagwera ba bakaone ba Mamormon, ba bile go mothalo wa thapelo, batho ba bakaone.”

54 Gomme ka re, “Ke kopane le monna yo mongwe yo mokaone kudu yo a lego—a lego Mamormon.” Gomme a re, gabotse, a re. . . Ke rile, “Ga ke tsebe thuto ya bona ka seo, gomme nka se nyake go bolela se sengwe kgahlanong le thuto ya bona, ka gobane seo ke se o lego sona, gomme ke hlompha seo gagolo.” Gomme ka re, “Gabotse, gomme o dumela seo?”

A re, “Ee, mohlomphegi, ke a dira. Eupša,” a re, “ga ke e phelele.”

55 Ka re, “Gabotse, ke dumela gore Beibele e ruta gore Modimo o tsebile lesea lela, dimilione tša mengwaga kgale, pele ga motheo wa lefase.” Ka re, “Modimo o boditše Jeremia, ‘Pele o ka hlolega ka popelong ya mmago, pele o ka tsoge wa tla go tšwa mpeng, ke go tsebile, ka go hlatswa, le go go hlomamiša moprofeta wa ditšhaba.’” Ka re, “Ke bontši ka fao A tsebilego ka lona, o a bona.”

A re, “Gabotse,” a re, “ke a leboga.”

56 A thoma go sepelela tlase ga thabana. Gomme nako yeo a kopane le moisa yo mongwe yo, gomme a re, “Gobaneng o be o sa mpotše gore mothaka yola ke moreri?” Gomme kafao

re. . . O boletše le yena gannyane gomme a thoma go mmotša ka dikopano.

57 Bjale, Mamormon a dumela seprofeto. Ga se ka. . . go ka no se be le yo itšego fa, eupša ba—eupša ba dumela go—go seprofeto. Eupša, kafao, mohlomongwe ke bolela ka ntle ga sekolo, eupša ke. . . Ya. Ya. Eupša, golejalo, ba a dumela.

58 Gomme o re, o tla morago go nna, a re, “Ke kwešiša gore o moprofeta.”

59 Ka re, “Aowa, mohlomphegi.” Ke rile, “Ke. . . Morena o mpontšhitše dilo di se kae go direga.”

60 Gomme a tlogelela, thwi go ya kgole, a re, “A re ye pele.” Gomme a tsena ka koloing ya gagwe, gomme a ya theogela fase go. . . toropokgolo ye nnyane ya gagwe go tloga fao a dulago. Ka nako e se kae, o be a se gona. Re be re lokišetša dimpša, go tšea go tsoma go gongwe thwi morago ga dijo tša mosegare. Gomme ge re dirile, gobaneng, a tlogelela ka koloi.

61 Ka nako e se kae, monna yo moswa wa go bogega botse a tla morago, a ka ba bogolo bja mengwaga ye lesomešupa, mokgomana wa Mokriste wa go bogega sekgethwa ka kgonthe. A re, “Yo ke ngwanešu.” A re, “Yena ga se moJack Mormon. Yena ke Momormon wa kgonthe.”

Ka re, “Go bjang, morwa?”

62 Gomme a re, “Ke a kwešiša, gore ngwanešu o a mpotša, gore wena o moprofeta.”

63 Ka re, “Aowa, mohlomphegi.” Ka re, “Ga se gore ke nna moprofeta.” Ka re, “Morena o mpontšhitše dilo go tlo direga.”

64 A re, “Ke na le go thunywa mo letsogong la ka thwi bjale, ke swanetše go ba tafoleng ya go dirwa karo.” A re, “Eupša ngwanešu o mpoditše se. Gomme ka re, ‘Ge go le bjalo, ga ke hloke karo.’” A ntebelela thwi ka mahlong ka go otlologa, wa go botega, ga therešo, molebelelo wa go hlokofala, a re, “O bea diatla tša gago godimo ga ka. Ge dilo tše di le bjalo, nka se hloke karo.” O ile gae a wetšwe ke maruru.

65 Ngwanešu yo, mogwera wa ka wa Mokriste, o be a tsoma le nna, go tšwa Phoenix. O rile go nna, a re. . . Ba bangwe ba bašemane ba dutše thwi fa bjale. Yo mongwe wa bona ke a tseba o gona. Re ile gae. O rile, “Ngwanešu Branham, ge Morena a ka go bontšha pono gomme a go dumelela go botša bona Mamormon feela seo se yago go direga, seo se tla e dira, gobane ba e lebeletše.”

66 Kafao, ke rapetše gomme ke rapetše. Gomme tseleng ya ka morago gae, ke be ke rotoga, go Mošupologo wo o latelago, Lamorena, e ka ba ka iri ya lesome, ke be ke eme ka phapošing, morago ga kereke mosong woo, gomme ke lebeletše ntle.

67 Gomme ka bona mabonemagolo a panyapanya, goba mohuta wo mongwe wa mabone o panyapanya. Gomme ke bone tau yeo e bego e le mo mohlareng, gomme—gomme e be e le ye nnyane kudu go nna go e thunya. Ke be ke sa e nyake. Gomme go be go ne yo mongwe gape a e thunya, gomme, ge ba dirile, ba e thuntše ka sethunya se segolo go feta. E rathaganyeditše tau godimo. Ga se ke thabele mo—mo—mo mokgwa wo go dirilwego.

68 Ge ke fihla godimo Phoenix, ke boditše Ngwanešu Dawson seo, le Ngwanešu Mosley. Ke a tseba o fa. Ke mmone letšatši le lengwe, felotsoko fa. Gomme o be a eya godimo le nna, yena le mosadi wa gagwe. Gomme ke rile, “O šetše gomme o bone, yeo ke GO RIALO MORENA. E ya go phethega ka tsela yeo.”

69 Mašego re letile, mašego a mane goba a mahlano, re tsomile, goba matšatši. Ga se gantši o ka tsoge wa rakelela tau bošego. E ntiregetše, ke e tla gae, ba lokolotše dimpša, motsomi yo, mošemane yo wa Momormon. Gomme ta—ta tau ya hwetša mohlala, goba mpša ya hwetša mohlala wa tau, a ke re, gomme tša e rakelela mohlareng. Gomme ka iri ya lesome mo bošegong ba tla, ba re tsoša malaong. Ra ile ntle fale, gomme fale go be go le tau yela ya go swana mo mohlareng. Gwa panyapanyišwa mabone, Ngwanešu Mosley a mo thuntšha ka e ka ba masomenne nne a khalipara, o nyakile go be a šwalalantše tau seripa ka bobedi. Gomme e be e le fale, feela tlwa ka tsela ye e boletšwego.

70 Letšatši la go latela, ke kopane le mogolo wa bahlapetši ba diphoofolo wa mmušo, moJack Mormon yo mongwe. Ka tšea bašemane bale ba babedi mmogo, go ba hlahlala morago gae go Kriste.

71 Ke a le botša, O a swana maabane, lehono, le go ya go ile. Modimo o netefatša Lentšu la Gagwe go ba bjalo.

72 Le kwele batho ba re, “Go bona ke go dumela.” Seo ga e nape e le therešo. Batho ba bantši ba a bona gomme ba sa no se dumele.

73 Matšatši ao Jesu a bilego mo lefaseng, gobaneng ba se ba Mo lemoga, gore O be a le Lentšu lela la Modimo le dirilwe go bonagatšwa? Gobaneng batho ba se ba lemoga gore Moshe o rile, “Morena Modimo wa lena o tla tsoša godimo moprofeta wa go swana le nna?” Gomme o phethagaditše Lentšu le lengwe le le lengwe leo Beibele e boletšego O tla dira, eupša ga se ba e dumela.

74 Eupša Modimo, go lebaka le lengwe le le lengwe, o netefaditše Lentšu la Gagwe go ba therešo. O netefatša Lentšu la Gagwe ka mehla. Kagona dinako tše dingwe ba a bolela, gore, “Go bona ke go dumela.” Ga go bjalo. Eupša re tseba gore Modimo o ya pele thwi go netefatša Lentšu la Gagwe go lebaka le lengwe le le lengwe.

75 Re a tseba gore O le netefaditše go Adama le Efa, gore ge A rile, “Letšatši le o jago go fao, letšatši leo o tla hwa ka kgonthe.”

Re swanetše go amogela go seo, gore seo ke therešo. Re dumela seo, ka gore O e netefaditše go rena, gomme re a tseba gore ke therešo.

⁷⁶ Bjale re tla no tšea a mangwe a mafelo ao Modimo a netefaditšego Lentšu la Gagwe. A re tšeeng, mohlala, mo matšatšing a—a Noage. Modimo o boletše go Noage molaetša woo k kgonthe o bego o se wa saense le go se dumelege. Ga go yo motee a bego a ka go dumela. E be e sa nke ya ke ya na godimo ga lefase. Ga se ya saense!

⁷⁷ Mohlomongwe ba be ba le lebaka la saense le legolo nako yeo go feta rena bjale, gobane ba agile diphiramiti le disefintshe, le go ya pele, mo matšatšing ao, tšeo re ka se di agego bjale. Ba be ba tlwaelane le maatla, a mohuta wo mogwe wa maatla a mekheniki, mohlomongwe a athomo goba se sengwe, ao ba kgonago go kuka matlapa a magolo ale, ao re ka se a kgonego lehono. Eupša ba dirile dilo tše kgolo tša saense. Ba bile le se sengwe ba kgona go omiša mmele, go o dira o bogege wa tlhago mengwaga e makgologolo. Re lahlegetšwe ke botaki bjoo.

⁷⁸ Jesu o rile, “Bjalo ka ge go bile matšatši a Noage, go tla ba bjalo mo go tleng ga Morwa wa motho.” Gomme re tseba gore re ba go tsena ka gare ga lebaka le lengwe le legolo la saense.

⁷⁹ Gomme ka fao molaetša wa Noage o bilego o be o le kgahlanong ka kudu kudu go tumelo ya letšatši leo, ka go kereke, gomme gape o be o le kgahlanong kudu kudu le dinyakišišo tša saense. Eupša Modimo o netefaditše Lentšu la Gagwe go ba therešo. Modimo o netefaditše gore seo moprofeta yola a se boletšego ke therešo.

⁸⁰ Gape re tla tšea wo mongwe feela nakonyana. Abraham o bile moprofeta yo mongwe wa Morena, yoo Lentšu le tlilego go yena. Gomme la mmotša, ge a be a le bogolo bja mengwaga ye msomešupa tlhano, le Sarah o be a le bogolo bja mengwaga ye masometshela tlhano, gore o be a ile go ba le ngwana ka Sarah. Bjale, seo e be e tloge e le kgakgamatšo go mosedumele. A o ka kgona go eleletša, lehono, selo sa mohuta woo se direga e bile mo letšatšing le, le diphihlelelo tšohle tša rena tša saense, le bohle bana ba ba ditheste tšhupu ba bolelago ka bona, le go ya pele? Eupša mosadi yo wa motšofe, bjale a le wa bogolo bja mengwaga ye masometshela tlhano, le monna wa motšofe wa bogolo bja mengwaga ye msomešupa tlhano, eupša Lentšu la Modimo le tlile go Abraham gomme la mmotša gore se se ya go direga. Gomme Abraham o dumetše Modimo. Bjale, ga go tshwenyega Modimo o boletše kudu bjang, le gore e be e le therešo bjang, Abraham o be a swanetše go dumela seo Modimo a se boletšego, go se dira bjalo. Bjale lebelela ka fao monna yola a ilego a lekwa, ka bopaki bja gagwe, gore o be a dumetše.

⁸¹ Yena monna wa go swana yo a dirilego bopaki, gore o dumetše Modimo, ke motho bjalo ka wena ge o le, o dutše fa

bošegong bjo. Re sa dumela Modimo. Re swanetše go dumela Lentšu la Gagwe ke Therešo. Gomme O tla e netefatša, gore Ke Therešo, ge re ka no e dumela.

⁸² Bjale lebelelang ditšhitišo tšeo Abraham a bilego le tšona. Selo sa mathomo e bile bogolo bja gagwe, mengwaga ye masomešupa tlhano bokgale, gomme Sarah a le masometshela tlhano. O be a fetile kgole phetogo ya bophelo, menophose. Ga go pelaelo eupša e be e eme, mengwaga ye mentši pele. O be a phetše le yena bjalo ka mosadi. E be e le kgaetšedi wa gagwe wa seripa, mohlomongwe o mo tšere ge a be a sa no ba mosetsana mo mahlalagading a gagwe, gomme o mo nyetše. Gomme ga se a be le bana. O be ka phethagalo a le moopa. Gomme bjale re hwetša gore, go dira se, o be a swanetše go ikaroganya ka boyena go tloga go batho bohle bao ba bego ba sa e dumele, gore a e dire e kgone go phethagala.

⁸³ Ga ke re gore o swanetše go ikaroganya ka bowena go tloga go batho. Eupša o swanetše o ikaroganye ka bowena go tloga go lesebo lohle la go se dumele, gomme o dule kgole le leo. Ge batho ba re, “Aa, dilo tšeo ga di direge! Seo ke sehlopha sa batho ba digafa! Ga go selo sa mohuta woo bjalo ka seo se direga,” e no tswalela ditsebe tša gago gomme o sepelele kgole. O se fe šedi ye itšego go yona.

⁸⁴ Beibele e boletše gore “Abraham ga se a ke a tekateka go tshepišo ya Modimo, ka go se dumele; eupša o be a tieletše, a efa tumišo go Modimo.” Leina la gagwe le fetotšwe go tloga go Abram go ya go Abraham, go fetolwa ga leina go dirile leina la gagwe, “tatago ditšhaba.” A o kgona go eleletša monna a phela le mosadi wa gagwe, mmamoratwa wa pelo ya gagwe, yo a phetšego le yena bjale mengwaga ye yohle, gomme bjale felotsoko go bogolo bja mengwaga ye masomeseswai bokgale, gomme mosadi wa gagwe mengwaga ye masomešupa bokgale, gomme go le bjalo ba hloka ngwana o tee goba kholofelo ye itšego ya ngwana, go le bjale a tleleima gore o be a le “tatago ditšhaba.” A o kgona go eleletša go swaswalatša ga monna wa gabo a fetago a ka go bolelago, “Tatago ditšhaba, bjale ke bana ba bakae o nago le bona ka nako ye?” Gomme go swaswalatša gohle a ilego a swanela go bo feta!

⁸⁵ Eupša Abraham ga se a tekateka le ge e ka ba kae le gannyane, ka go se dumele. O dumetše gore Modimo o kgona go phethagatša seo Yena a se tshepišitšego, gore Modimo o tla netefatša Lentšu la Gagwe, go sa tshwenyege go tšea botelele bjo bokae. Eupša sebakeng sa go fokola nako le nako, bjalo ka ge re tlwaetše go dira, o tieletše dinako tšohle. “Ge e sa direge lehono, gosasa e tla ba mohlolo wo mogolo, gobane ke bogolo bja letšatši le tee.” Yoo e bile Modimo, yoo e bile Modimo ka go Abraham, ka gore o tsebile gore Modimo o netefaditše ohle Mantšu a Gagwe go ba bjalo.

⁸⁶ Ge bana ba Gagwe feela ba ka tšea Lentšu la Gagwe, kafao A ka Le netefatša ka lena! Yeo ke tsela e nnoši A ka netefatšago Lentšu la Gagwe.

⁸⁷ Yena ga a Le netefatše go basedumele. Ba ka se netefatšwe; ke basedumele. Eupša, ga se La go basedumele. Ga se la basedumele.

⁸⁸ Ke la go yena yo a dumelago. Gomme ge A ka hwetša yo mongwe yo a tla dumelago Lentšu la Gagwe, O tla netefatša Lentšu la Gagwe ka wena. Gomme nako tše dingwe bolwetši le dilo di direga go rena ka tsela yeo, gore Modimo a inetefatše ka Boyena.

⁸⁹ A le elelwa monna wa sefoku Jesu a mo hweditšego? Ba rile, “Ke mang a dirilego sebe, yena goba tatagwe, mmagwe?”

⁹⁰ O rile, “Go taba ye, ga a gona, eupša gore mediro ya Modimo e tle e dirwe go tsebega.” Le a bona, e diragaletše mošemane gore Jesu a tle a tagafatšwe. Dinako tše dingwe malwetši ga se thogako, ke tšhegofatšo, gore re kgone go ntšhetša tumelo ya rena ntle fale le go bitša dilo tšeo di sego gona, o ka re di be di le gona. Modimo o boletše bjalo, gomme O tla netefatša go bjalo ge feela o ka se fokole ka tlase ga moleko.

⁹¹ O kgonne go leka Jobo, nako ye nngwe, gore a ka se Mo roge go sefahlego sa Gagwe. Lebelela teko yeo Jobo a fetilego go yona. Eupša fase ka go yona mahlagare ya lehu, go le bjalo o rile, “Morena o file, Morena o tšere, a go šegofatšwe Leina la Morena!” O e dumetše ka kgonthe. Modimo o netefaditše Lentšu la Gagwe go Jobo. O le netefaditše go Abraham. O le netefaditše bjalo.

⁹² Gape O e netefaditše ka Moshe. Gomme ge Moshe, ge boima bo le kgahlanong le yena bjalo, Moshe o bile le yona ka kgopolong ya gagwe, gore mohlomongwe, go ba molokolodi, gore mmagwe mohlomongwe o mmoditše o belegwe ngwana wa paale. O—o be a le morutiši wa gagwe yo a mo godišitšego ntlong ya bogoši ya Farao, ga go pelaelo o mmoditše, “Morwa, re rapetše gore re lokollwe, gomme re a dumela gore o yena ngwana yola yo Modimo a tla go mo šomiša go re lokolla.” Gomme morago ge a . . .

⁹³ Le a bona, o tlile godimo gomme o be a eya go ba mo—mo morwa wa morwedi wa Farao, gomme re hwetša gore o be a eya go ba mojalefa wa terone. Gobaneng, ga go pelaelo e be e le kgopolong ya bona nako yeo, gore o tla ba Farao wa go latela, “Gomme ke ka fao a tla go lokolla batho, ka go ba Farao wa go latela.” Eupša Modimo o bile le . . . Ge seo se ka be se bile bjalo, gona o be a tla be a e dirile ka kgerekgere, ka ti—ti—ti tiro ya dipolitiki. Eupša Modimo ga a šome ka mokgwa woo ka mehla.

⁹⁴ Modimo o ne ditsela tša Gagwe mong go šoma, gomme O rile O tla “ba ntšhetša ntle.” O boditše Abraham, “Ka morago ka mengwaga ye makgolonne,” O tla “ba ntšhetša ntle, ka seatla

se maatla,” O tla “bontšha dika le matete.” Kafao a ka se e dire ka mokgwa woo, kafao Abra- . . . Re hwetša gore Abraham o dumetše Modimo, gomme šo Moshe bjale a dumela Modimo.

⁹⁵ Gomme Moshe o lebeletše ntle ka letsikangope la go swana leo Farao a dirilego, o bone batho ba go swana. Gore Farao o lebeletše ntle godimo ga bona, bjalo ka, “Batho ba rogakilwego, batho bao ba se nago selo eupša sehlopha sa botsenwa, go Modimo, le Modimo yo mongwe wa leganata felotsoko yoo ba sa tsebego selo ka yena; kota tsoko ya go se bonwe yeo ba e rapelago, yeo go se nago selo go yona. Bona ke sehlopha sa ditswenwa. Gomme ba be ba le sehlopha sa makgoba. Gomme Modimo wa bona a ba dumelela go ba makgoba, go netefatša gore O be a se Modimo.”

⁹⁶ Gomme thwi ka bogareng bja selo ka moka, O be a tsošetša godimo yena monna. Modimo o dira dilo ka mekgwa ya go se tlwaelege, thwi godimo ka fase ga bona. E sego moithutamodimo, e sego morutiši, e sego moprista, e sego yo mongwe wa banna ba bakgethwa ba bona; eupša feela monna wa mehlang, a belegetšwe mošomo. Gomme Modimo o mmoditše go ba moprofeta wa Gagwe, gomme o mo rometše tlase kua. Gomme go se selo seatleng sa gagwe eupša lepara la go kobega, go lebana le lenaba, dingatana tša go katišwa tšeo di ilego tša fenyana lefase ka moka. Eupša ka lepara lela seatleng sa gagwe, bjalo ka ge Modimo a mmoditše o swara lepara lela ka seatleng sa gagwe gomme o tla lokolla Israele, gomme o ile tlase gomme o e dirile gobane Modimo o e tshepišitše. O ya go e dira bjang? “Ke tla ba le wena.”

⁹⁷ O rile, “Mpontšhe letago la Gago, Morena. Ke moretelega ka polelo. Ga ke kgone go bolela gabotse. Gomme ke. . .” O bile le maitshwarelelo a dimilione.

⁹⁸ Eupša O rile, “Ke tla ba le wena.” Gomme seo ke ka moka e se tšerego. O sepetše, a tšea Lentšu la Modimo. Ga go tshwenye bokotsi ka fao morero o bonagetšego, Moshe o tšwetšepele go dumela Modimo. Gomme Modimo o netefaditše Lentšu la Gagwe, ka Moshe, go ba therešo. Gobane, go sa ye ka seo se diregilego, Moshe o dutše thwi le Lentšu. Mo nakong ya leeto. . .

⁹⁹ Modimo o ba boditše, tlase ka Egepete, gape, gore O tla ba lokolla, “Ka go naga ya tshepišo, naga e botse, go tlala ka maswi le nosi.” Gomme e be e le gona ka kgonthe. Ba be ba sa tsebe e be e le gona, eupša O rile, “E gona, gomme ke le file yona. E šetše e le ya lena, e nno yang le e tleleime!”

¹⁰⁰ Gomme ka lešokeng, ge ba bantši ba bona ba tlile ntle, ba bina ka Moya, ge Miriama a betha tlhwatlhwadi; go lewa manna go tšwa Legodimong; go theeletša Moshe a opela ka Moya; go bogela mehlolo le dika di eya pele. Eupša ge go etla go makgaolakgang, go dumela ka moka Lentšu la Modimo, tshepišo yohle, ba šitilwe.

101 Ke feela ba babedi ba bona ba e dumetšego, bao e bile Joshua le Kalebe. Gomme ba boile le bohlatse gore naga e be e lokile.

102 Eupša, maemo e bile, seo ke seo se ba šitišitšego. Gobane, ba rile, “Ga re kgone go tšea naga yela, gobane metse ya gona e rareditšwe ka morako, baemedi ba bona—ba bona—ba bona fale. E sego baemedi ba bona, eupša batho ba bona—ba bona ke ditšitširipa tše kgolo. Gobaneng, re bogega bjalo ka ditšie, godimo go fapana le bona.”

103 Joshua le Kalebe ba rile, “Re ne bokgoni go feta go e tšea.” Gobaneng? Modimo o ba file yona, ga go tshwenye ka fao ditšitširipa di bilego. Tšhitišo ga se e re selo go bona. Modimo o be a boletše bjalo! Gomme Modimo o e netefaditše ka bona. Gomme ba ile ba ya ka kua le go tšea naga, bjalo ka ge Modimo a rile ba tla e dira. O e netefaditše go bona.

104 Bjale, ge ba etla godimo ka kgwedi ya Aporele, mola meetse a tšhologa fase go theoga dithaba, godimo ga motheoga wa lehlwa, le go ya pele, gomme go bonala o ka re Modimo o be a le molaodi wa go fokola, go etapele madira a Gagwe thwi godimo ka go lefelo, O bile le bona ba pinyeleditšwe go tšwa go tloga go naga ya tshepišo. Gomme yona nako ye A ba tšeešego ka kua, o be a yo ba tšeela ka kua, e be e le kgwedi ye mpempe ya ngwaga. Kgwedi yeo Jorodane e bego e falala matsibogong a yona, e kitima thwi ka gare ga mašemo. Gobaneng, ge ba be ba ile go ba thopa, e be e swanetše go ba nakong ya selemo, ge ba ka kgona go phaya go putla. Eupša O letile go fihla meetse a eba botebo. O rata go bontšha gore Yena ke Modimo. O rata go netefatša Lentšu la Gagwe, go sa tshwenye.

105 Ga ke iše felo ge e ba ngaka e rile, “O a hwa ka kankere.” Ke sohle monna a se tsebago. Mohlomongwe meetse a tebile go ba bangwe ba lena, bošegong bjo. Eupša, elelwang, Modimo o dirile tshepišo. Modimo o boloka Lentšu la Gagwe, gomme Modimo o netefatša Lentšu la Gagwe. Ke Therešo.

106 O letile go fihla meetse a e ba leragaraga, go fihla ba fihla botebong le ka godimo ga dihlogo tša bona, le go ya pele, gomme morago O butše tsela godimo. O ile pele ga bona le go dira tsela.

107 Ba ya go tsena gare bjang, ka Jeriko, mola e be e thibilwe godimo? Joshua o be a maketše. O tsebile Modimo o mo etile pele go fihla bokgole bjoo, kgato ye e latelago e be e le ya Modimo.

108 Letšatši le lengwe, ge a be a le ntle a sepela go dikologa, a hlola maboto, o bone Monna a eme ka tšhoša ya Gagwe e khwamotšwe. Gomme o gogile tšhoša ya gagwe gomme o ile go gahlanetša Monna, o rile, “Wena O eme le bafe? A O wa rena goba a O wa manaba a rena?”

109 O rile, “Ke nna Molaodi wa madira a Morena.” Gomme O mmoditše a dire eng. Ka fao a yago o butšwetša trompeta gomme leboto le wela fase, gore ba be ba kgona go kitimiša phadišano

ya dikoloi tša dipere go le putla? Ke eng seo se ka bago go dira le trompeta?

¹¹⁰ Modimo o šomiša mekgwa ye bonolo bjalo. Go bjalo, bobonolo bja yona, seo se e dirago Modimo go nna. Ka mehla re leka go hwetša selo se itšego se segolo, se ya go dira se sengwe, gomme Modimo. . . mokgatlo wo mogolo wo itšego o ya go tšea selo ka moka le go se tloša ntle sohle. Mola, Modimo o tšea motho yo bonolo, feela motho yo motee yoo A ka mo swarago mo diatleng tša Gagwe, gomme o tla netefatša Lentšu le lengwe le le lengwe leo A le boletšego, ka Lona. Go tšea mekgwa ye mennyane ye bonolo ye bjalo!

¹¹¹ “Kwagatša trompeta.” E sego epa leboto ntle, eupša, “E no kwagatša trompeta, gomme maboto a tla wela fase. Mothuthupo wa trompeta o tla gitlaganšha maboto fase.” Ka fao e lego bošilo go kgopolo ya senama! Eupša Modimo o netefaditše Lentšu la Gagwe le be le le therešo, ka gore maboto a wetše fase, letee godimo ga le lengwe. Ba ile ka go otlologa godimo gomme ba thopa motse.

¹¹² Oo, Modimo o rata go inetefatša ka Boyena go ba Modimo! Joshua o tsebile seo. Letšatši le lengwe, gomme ge a be a eme fale, ye nngwe ya semaka seo se kilego sa direga, ntle ga lehu, poloko, le tsogo ya Jesu Kriste. Ge lenaba. . . O be a ba rakeletše, gomme madira a go fapafapana a be a le dithabeng. O be a ba rakeletše, gomme letšatši le be le sobela. Oo, nna, a nako e bilego go Molaodi Joshua!

¹¹³ Elelwang, o lwele le naga yeo go kgabola, ntle le go ba le bookelo, mooki, sehlopha sa thušo ya pele, goba a ba le monna a gobaditšwe. Mpotše se sengwe se ka phalago seo. Ee, mohlomphegi. Ga se nke a be le maokelo, go se mooki, gomme ga se nke a no lahlegelwa ke monna, ge feela ba sepetše ka thato le Lentšu la Morena. Modimo o netefaditše gore O be a ne bona. Yeo ke nnete. Hlokomela bjale.

¹¹⁴ Gomme re hwetša gore Joshua o tsebile, ge bošego bo ka etla, ba tla ngwega go dikologa gomme ba tla mmogo, gomme—gomme ba ikgobokanya mmogo gomme ba dira sesole se sengwe se segolo, gomme o tla ba le nako ye thata le bona letšatši le le latelago. Ga se nke a tseba seo a ka se dirago, kafao o lebeletše godimo go Modimo. O be a hloka tlhakodišo, gomme o be a hloka letšatši lela go ema tse. Kafao o no laela letšatši lela go ema tse, gomme le. . . bolela go “ngwedi go lekelela godimo ga Ajaloni,” le se šuthe go fihla a le laela. Gomme ngwedi le letšatši tša ema tse e ka ba diiri tše masomepedi nne, ge Joshua a lwele ntwaga gomme a fentše lenaba, gobane o be a le thwi mo mothalong wa mošomo. O be a ne tokelo go e dira, gobane o be a obamela taelo ya Modimo.

115 Gomme ge feela o le mothalong wa mošomo, o boloka Lentšu la Modimo, o dira feela seo A go boditšego go se dira, o gwanta ka ditaelo tša Modimo, o ne tokelo ya go re go thaba yeo, “Šutha!”

116 Modimo o boloka Lentšu la Gagwe. “Ge o ka re go thaba ye, ‘Šutha,’ o se dikadike pelong ya gago, eupša dumela gore seo o se boletšego se tla direga, o ka ba le seo se o se boletšego.” Jesu o boletše seo, go Mokgethwa Mareka 11:22. Yeo ke Therešo. Ke a tseba gore ke Therešo. Ke Lentšu la Modimo, gomme leo le netefatša gore ke Therešo. Re no ba re tšhoga dinako tše dingwe. Re fihla lefelong, re a tšhoga A ka se boloke Lentšu lela. O tla boloka Lentšu lela. O rile O tla e dira. Bjale, re hwetša seo ke therešo. O e netefaditše.

117 Sefrofeto sa Jesaya, nako ye nngwe, selo se sengwe se sa nkago sa direga; ga se nke sa dira pele, gomme ga se nke ge e sa le. O rile, “Kgarebe e tla ima.” A o ka eleletša mosadi, ntle le go tseba monna, o tla ba le ngwana? Jesaya o rile, “Kgarebe e tla ima.”

118 Gomme Modimo o dirile kgarebe go ima, go netefatša Lentšu la Gagwe therešo. O netefaditše Lentšu la Gagwe, gobane kgarebe e ile ya ima gomme ya belega Morwa.

119 Bjale, Lentšu lela le dirilwe nama, lebelela seo Le se dirilego. Ge Morwa yola a tlile pele, O be a le Lentšu ka Boyena. “Mathomong go bile Lentšu, gomme Lentšu le be le le le Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.”

120 O be a le Lentšu le le phelago. O netefaditše O be a le Lentšu lela le phelago. O rile go barutiši bale ba letšatši leo, “Ke mang a ka go Nkahlola ka sebe?” *Sebe* ke “go se dumele.” “Ke mang a ka go Mpotša gore Nna ke mosedumele? Lentšu le lengwe le le lengwe leo le ngwadilwego ka Nna, le phethagaditšwe.” Dikakanyetšopele tše šupa tša mafelelo tša bophelo bja Gagwe di phethagaditšwe mo go diiri tše šupa tša mafelelo, mo sefapanong. Se sengwe le se sengwe se bego se ngwadilwe ka Yena, se phethagaditšwe, gobane O be a le Lentšu. O netefaditše O be a le, a bile. O fodišitše balwetši. O tsošitše bahu. O fentše lehu, hele, le lebitla. O netefaditše O be a le Lentšu.

121 Hlokomela taba ye fa ya ngwako wa Jairo. O be a . . . O be a mmoditše therešo. Re Mmone ge A putla lewatle. O tla ka gare.

122 Go be go ne mosadi yo monnyane godimo mo thabaneng, yoo a bego a feditše tšhelete ya gagwe yohle ka bomatwetwe. Ga go pelaelo, bomatwetwe ba dirile tšohle ba tsebilego ka fao ba dirago, go dira mosadi a be kaone; mohlomongwe bomatwetwe ba Bahebere, gomme yoo e be e le mosadi wa Mohebere, kafao ba be ba dirile tšohle ba ka kgonago go kgaetšedi wa bona. Le ge e le gore, ga se ba be le selo go emiša taba ye ya madi, yeo e bego e le, mohlomongwe, nako ya menophose gomme madi a gagwe a

eletše pele go fihla a . . . selo se sennyane se be se fokola kudu go le thata go ka sepelasepela bontši bo itšego. Gomme o be a kwele ka ga Jesu. Gomme ge a bone sekepe se sennyane se kgorometšwa ka gare ga mehlare, o theogetše fase go hwetša.

123 Boati bja baswaswalatši ba Gagwe ba be ba eme fale. Gomme ga A hloke baswaswalatši lehono. Ge nka be ba ile ba tseba Yo a bego A le yena, ba ka be ba se ba ba baswaswalatši ba Gagwe. Eupša ba be ba le baswaswalatši ba Gagwe gobane ba be ba sa tsebe Yo a bego A le yena.

124 Gomme yeo ke tsela ka Molaetša lehono, banna ba bantši bjalo ba go loka le basadi ba swaswalatša Se gobane ga ba tsebe Se e lego sona.

125 Jesu o rile, “Ge nka be le tsebile Moshe, nka be le Ntsebile. Moshe o boletše ka Nna. Monna ba bantši ba bagolo ba dumile go bona letšatši le. Ge Ke sa dire mediro ya Tate wa Ka, gona le se Ntumele. Ke ne bohlatse bjo bogolo,” O rile, “go feta bjala bja Johanne, ka gore mediro ye Ke e dirago, e netefatša gore Tate o na le Nna.” O bile le mediro ye megologolo, gobane O be a le Motsebišwa. Johanne le yena o be a tsebišitšwe, bjalo ka lentšu la yo a goelago lešokeng. Eupša ge A etla, O be a le moprofeta yoo Moshe a boletšego o tla tsošetšwa go dimo.

126 Bjalo ka ge ke boletše bošego bjo bongwe, O tla ka maina a mararo; leina la Morwa wa Modimo, Morwa wa motho, le Morwa wa Dafida.

127 Ge A be a le mo lefaseng, nako ya mathomo, O be a le Morwa wa motho. O be a ka se be Morwa wa Modimo nako yeo; ga se nke A tleleima go ba. O rile O be a le “Morwa wa motho.” Ge mang kapa mang a be a ka Mmotšiša, O rile, “O bona Morwa wa motho; Morwa wa motho.” Bjale, “Morwa wa motho” ke *moprofeta*. O be a swanetše go tla ka tsela yeo, gobane, Lengwalo, A ka se kgone go tla kgahlanong le Lengwalo.

128 Ke ka lebaka leo, lehono, gore Molaetša wa rena—wa rena wa letšatši o ka se kgone go tla ka baithutamodimo le thutamodimo, o swanetše go tla morago go selo sa go swana o tshepišitšego go dira. E swanetše go ba ka tsela yeo.

129 Kafao re hwetša gore, ka go Monna yo, O be a swanetše go ba moprofeta. E sego Morwa wa Modimo fale, O swanetše go ba Morwa wa motho. Jehofa ka Boyena o biditye baprofeta, Jeremia le bona, “Morwa wa motho.” “Ge le bona Morwa wa motho . . .” “Morwa wa motho ke mang?” ba be ba fela ba botšiša.

130 Nako yeo, O hlanketše ofisi ya Gagwe bjalo ka Morwa wa motho. Morago O hlanketše ofisi ya Gagwe bjale bjalo ka Morwa wa Modimo. Modimo ke Moya, gomme ge bjale A hlanketše go kgabola Mabaka a Kereke, bjalo ka Morwa wa Modimo. Bjale, ka go Mileniamo, O tla ba Morwa wa Dafida, ge A dula mo teroneng ya Dafida. O tla ba mojalefa go terone, Morwa wa Dafida. Morwa

wa motho, Morwa wa Modimo, Morwa wa Dafida, gomme ke Monna wa go swana dinakong tšohle.

¹³¹ Feela bjalo ka Tate, Morwa, le Moya wo Mokgethwa; ofisi ya Modimo. O be a le Modimo Tate, morago A ba Modimo Morwa, bjale Ke Modimo Moya wo Mokgethwa. E sego Badimo ba bararo; Modimo o tee, diponagalo tše tharo, ditholwanakgopolo tše tharo tša Modimo wa go swana.

¹³² Bjale re hwetša, gomme ka go iri ye yeo re phelago bjale, Modimo o boloka Lentšu la Gagwe feela go swana bjalo ka ge A dirile nako yela.

¹³³ Re hwetša gore O tlike go putla lewatle. Mosadi yo o Mo dumetše, go be go le se sengwe ka gare ga gagwe sa thoma go bethabetha. O be a se ne Lengwalo la yona, go se Lengwalo go no swana le Joshua a swanetše go emiša letšatši, eupša o dumetše ka pelong ya gagwe gore O be a le Morwa wa Modimo. Kafao a re, “Ge feela nka no kgwatha kobo ya Gagwe, ke tla fola.” Kafao o pitlagantše go kgabola lešaba go fihla a kgwatha kobo ya Gagwe, gomme taba ya madi ya ema.

¹³⁴ Bjale, O lebeletše godimo ga batheeletši, go hwetša ke mang a Mo kgwathilego. Ga go pelaelo, go be go le yo mongwe. A ema. Batho bohle ba Mo pitlaganya; gomme ba bangwe ba bogwa ka Yena, ba bangwe ba Mo sega; moprista a emetše kgojana gomme a Mmotšišiša, le banna ba baruti, le go ya pele. Eupša go be go ne ba bangwe ba Mo dumetšego. Gomme, gomme ka morago ga sebakanyana A ema, ka bjakobjako, a retologa go dikologa, a re, “Ke mang a Nkgwathilego?”

¹³⁵ Ba bangwe ba bona ba rile, “Gobaneng, Morena!” Ke a dumela e bile Petro a re, “Gobaneng, lešaba ka moka le a Go pitlaganya. Gobaneng, ke mang a ‘kgwathilego’ Wena? Gobaneng, yo mongwe le yo mongwe o a Go kgwatha!”

¹³⁶ O rile, “Eupša ke tsebile gore maatla a tšwile go tšwa go Nna.” O bile bofokodi. E be e le kgwatho ya go fapana.

¹³⁷ Ge feela re ka bona seo, ngwanešu, kgaetšedi! Ge o ka Mo kgwatha ka mokgwathi wo itšego! Oo, batho ba go babja, ke lokišetša go le rapelela, feela go metsotso e se mekae. Ke a dumela gore ke ne Moya wo Mokgethwa, e se bontši Moya wo Mokgethwa go feta wo o nago le wona thwi ntle fale, banna ba ba ao fa. Moya wo Mokgethwa wa go swana, eupša ke taelo ya Modimo; gomme ge o ka dumela seo go ba taelo ya Modimo, ya go rapelela balwetši, le go bea ditala go bona, le go lelekela meboya ye mebe ntle, le ditshepišo tšeo a di dirilego, e la ba selo sa go swana ka wena. O tla hwetša se o se kgopelago, ge o ka e dumela.

“Ga o kgone go dumela gore ke kgona go dira se?” Jesu o boletše.

¹³⁸ “Ya, Morena, ke a dumela,” gwa rialo monna wa ngwana wa bolwetši bja go wa, “Ke a dumela gore Wena o Morwa wa Modimo

wa go tla ka lefaseng.” Bjale, re tseba gore seo se ka tšea feela mokgwatebelelo wola go tliša dipoelo.

¹³⁹ Bjale, ka bjako, a re naganeng ka Yena nakwana, šo Yena mo tseleng ya Gagwe go rotoga. Moprista yo monnyane o theogile, ga go pelaelo eupša moisa yola yo monnyane e be e le modumedi wa mothalong wa legora.

¹⁴⁰ Go ne ba bantši ba bona mo lefaseng lehono, badumedi ba bannyane ba mothalong wa legora. Ba nyaka go dumela Seo. Ba nyaka go dumela gore Moya wo Mokgethwa ke kgonthe. Ba nyaka go dumela wo ke mosepelo wa boapostola, bjalo ka ge Modimo a tshepišitše mo matšatšing a mafelelo O tla tšhollela ntle Moya wa Gagwe. Rena . . . o nyaka go dumela go Maleaki 4, gore o tshepišitše, mo matšatšing a mafelelo tu—tu Tumelo ya setlogo ya pentecostal e tla bušetšwa morago go—go kereke gape.

¹⁴¹ Maleaki 4 e a e tleima. “Bonang, Ke tla romela go lena Eliya mo matšatšing a mafelelo,” yeo ke therešo, “gomme o tla bušetša Tumelo ya bana morago go botate gape,” le a bona, “Tumelo ya botate go bana, le goa.” Le a bona, e swanetše go ba.

Le re, “Gabotse, yoo e bile Johane Mokolobetši.” Aowa, aowa.

¹⁴² Johane Mokolobetši e bile Maleaki 3. Yeo ke therešo. Mateo 11 e bolela bjalo, “Ge le ka e dumela, yo ke yena e boelago ka ga, ‘Bonang, Ke romela motseta wa Ka pele ga sefahlego sa Ka.’” E bile Eliya, ka kgonthe. Jesu o rile e bile yona. Eupša e sego Eliya wa Maleaki 4, le ga nnyane.

¹⁴³ Gobane, “Ka pelapela ka morago ga Molaetša wola, lefase le swanetše go tshungwa ka mollo, gomme baloki ba sepele ntle godimo ga molora wa ba bakgopo.” Kafao ga se nke ya direga mo nakong ya Johane. Re swanetše go ba le Molaetša go swiela morago le go tliša batho ntle ga maemo a dikereke tša maina tše tšohle, morago go ya setlogo, Tumelo ya mmapale ya pentacostal. Gomme re bona e dirwa, ke phethagatšo ya Lengwalo leo le swanetšego go phethega. Mangwalo ohle a swanetše go phethagatšwa. Ke a makae bontši bja ao re ka go a diragatša, go tla ntšea botelele go feta nako ya ka godimo bjale, go bontšha. Eupša le kwešiša dilo tše, gore go swanetše go direga feela tlwa go swana le se, go bana ba Abraham, feela bjalo ka ge A tshepišitše.

¹⁴⁴ Re bona Jesu a rotogela godimo bjale go fodiša mosetsana yo monnyane. Nnete, tate, modumedi yo monnyane wa mothalo wa legora, se sengwe sa tla go lefelo leo a swanetšego go lemoga Jesu, kafao, ngaka e be e mo hlobogile. Gomme a rwala kefa ya gagwe ye nnyane ye ntsho gomme a hlabela pele tlase go hwetša ge e ba a ka hwetša Jesu. Le a bona, ka mehla O thwi fao ge o Mo nyaka. O Mo hweditše a sa tšwa ka gare ga lebopo.

¹⁴⁵ Gomme a re, “E tla go mosetsana wa ka yo monnyane, bea diatla tša Gago godimo ga gagwe, gomme o tla ba kaone.” A re,

“O robetše mo ntlheng ya lehu. Ke ngwana wa ka a nnoši.” A re, “O bogolo bja mengwaga ye lesomepedi. Ga re ne bana ba bangwe. Mosadi le nna,” mohlomongwe, “re a tšofala. Gomme yo ke ngwana a nnoši yo re nago, gomme o robetše mo ntlheng ya lehu. Morena, ke a Go dumela. Ge o ka no tla go bea diatla tša Gago godimo ga gagwe, o tla ba kaone.”

146 Le a bona, o lemogile eng? O lemogile gore Lentšu lela la Modimo la tšepišo le be le bonagaditše ka go Monna yo.

147 Feela go swana le ge Nikodemo a rile, “Rabi, morutiši, re a tseba Wena o morutiši a tlogo go tšwago go Modimo. Re a e tseba. Bafarisei ba e tseba.” Gobaneng ba sa nka ba e paka? “Ga go motho a ka dirago dilo tše O di dirago, ge e se Modimo a ne Yena. Re a tseba gore O tšwa go Modimo.”

148 Fa re hwetša gore Jairo o dumetše selo sa go swana. O rile, “Etle a bee seatla sa Gago.” O tsebile gore Modimo o be a le ka go Yena. “Bea diatla tša Gago godimo ga ngwana. Le ge a le ntlheng ya lehu, o tla phela.”

149 O nno sepela go bapa le yena. Gomme ge a be a eya, šefa go tla mokitimi a etla morago, gomme a re, “Se Mo tshwenye, se tshwenye Morena go ya pele. Mo—mo mosetsana, hwile, o sepetše bjale. O hlokofetše.”

150 Jesu a retologela go Jairo, a re, “A ga se nke ka re go wena, ‘Ge wena feela o ka dumela, o tla bona letago la Modimo’? Ge wena feela o ka no e dumela!”

151 O tsena ka phapošing, gomme šebale ba be ba le, gohle ga gotla le go lla, le go golola, feela bjalo ka motho mang le mang a ka go dira. Mosetsana yo monnyane yo mokaone, morwedi wa modiša, o be a hwile, gomme o be a tšerwe ka ntle ga lefase le. Gomme mohlomongwe o be a hwile diiriiri, gomme morago ba mo robadišitše ntle godimo ga khoutšhe, gomme ba itokišetša go omeletša mmele wa gagwe, mohlomongwe, le go mmea kgole, le ka go poloko.

152 Kagona re hwetša gore Jesu o tsene ka ntlong. Bohle ba be ba gotla. O re, “Efang khutšo.” O rile, “Ga se a hwa, eupša o robetše.”

153 Bjale a le ka eleletša seo ba se nagannego? “Gobaneng, monna yo re a tseba, bjale. Re kwešiša gore Yena ke ngwana wa hlaba. Gomme re kwa ka ga Yena, tšohle tša dipolelelopele tša Gagwe tša go tlaruma tšeo A di dirago. Gomme bjale re tseba gore moprista o a rereša, ‘monna o a gafa,’ ka gore re a tseba o hwile. Ngaka e mmegile ‘go hwa,’ gomme šefala mosetsana o robetše. O sepetše, gomme re a tseba o hwile.” Ba rile, ba Mo segile wa go kwera, ka mantšu a mangwe, ba Mo dira a kwe a gobošitšwe, ka go Mo swaswalatša.

154 Eupša O be a šetše a boletše gore ga se a hwa. Ke ka moka e se tšeago. “O robetše.” Ga go tshwenyege bontši bjo bokae

bja baswaswalatši, O ya go netefatša Lentšu la Gagwe! O ba ntšheditše ntle ga ntlo bohle, a tloša basedumele bohle kgole. O tšere Petro, Jakobo, le Johane, badumedi, dihlatse tše tharo, le tate le mme, o ile ka gare le go swara morwedi ka seatla, gomme o boletše ka leleme leo le biditšego soulo ya gagwe morago go tšwa felotsoko ntle kua ka Gosafelego. Gomme mosetsana o phedile.

¹⁵⁵ Ke eng A e dirilego? O netefaditše Lentšu la Gagwe. O netefaditše seo A se boletšego. Mosetsana o be a se a hwa. O be a robetše. Bjale re hwetša, go direng se, go lemogwa, gomme O netefaditše se sengwe gape fao. Bjale O netefaditše gore O be a le Modimo. O netefaditše gore O bile le tsebelopele. Šetša seo Lentšu la Gagwe le se boletšego bjale. “Mosetsana ga se a hwa, eupša o robetše.” Le a bona, o be a se a hwa, le go thoma. O be a robetše. O bontšhitše tsebelopele ya Gagwe. Bjale, go ka no be go bile basetsana ba bannyane ba bantši ba hwile mosong wa go swana, eupša yo o be a se a hwa. O be a robetše, bjalo ka Latsaro a bile. Gomme O mmiditše go tšwa go boroko bjoo, gobane o be a se a hwa.

¹⁵⁶ “Gomme yo a dumelago go Nna, le ge a be a hwile, go le bjalo o tla phela; gomme mang le mang a phelago gomme a dumetše go Nna, a ka se ke a hwa.” Ke feela bao ba lego go Puku ya Kwana ya Bophelo, bao A ba lopolotšego ge A ehwa, bao ke ba A tla ba bitšago go tšwa borokong bjola, ka letšatši leo, bao ba phedišitšwego ka maatla a Gagwe, bao ba nago le maatla a le a go phediša a robetše ka go bona. Ebile bjalo ka ge ke boletše bošego bja go feta; ebile le ka morago ga ge Elisa a hwile, gomme marapo a gagwe a robetše ka lebitleng, maatla ale a go phediša a be a sa le mo marapong a gagwe.

¹⁵⁷ Kgonthe, O netefaditše gore ke Yena Mang. Bjale re hwetša gape, ka go swana, O netefaditše le gona, gore, go Bahebere tema ya 4 le temana ya 12, O netefaditše O be a le Lentšu la Modimo. O dirile ka kgonthe. Hlokomelang seo A se dirilego. Bahebere, 12, Bahebere 4:12 e bolela gore, “Lentšu la Modimo ke le maatla kudu, le lebelo go feta tšhoša ya magalemabedi, gomme—gomme gape Ke Molekodi wa dikgopolo le maikemišetšo a pelo.” Šetša feela nakwana bjale.

¹⁵⁸ Ge la pele A thoma bodiredi bja Gagwe, ka morago ga ge A tlile ntle go bontšha gore Yena ke Lentšu, ge A etla ntle ga lešoka go tšwa tekong ya Gagwe, go bile le monna a bitšwago Petro, leina la gagwe nako yeo e be e le Simone. Gomme o tlile go Jesu le ngwanabo, Andrea. Gomme ka pela ge a se no sepela godimo ka go Bogona bja Jesu Kriste, Jesu a re, “Leina la gago ke Simone. Gomme la tatago ke Jona. Go tloga bjale go ya pele o tla bitšwa Petro.” Seo se netefaditše gore O be a le Lentšu, gobane Lentšu ke Molekodi wa dikgopolo le maikemišetšo a pelo. O be a le Lentšu.

159 Filipi o bone se se direga. O tlogetše go rarela thaba, o be a sepetše letšatši, gomme a bowa morago. Gomme o tlile le mogwera a bitšwago Nathaniele. Gomme o rile, “Dilo tše ka kgonthe di a direga. Moshe o rile ‘Morena Modimo wa rena o tla tsoša godimo Moprofeta’ wa go swana le yena, gomme šo Monna o gona. Gobaneng, O boditše Simone e be e le yena mang, ebile le tatagwe e be e le mang, gomme re a tseba gore seo A se bolelago ke therešo. Gobane, Modimo o e boletše go Lentšu, gomme šefa go a netefatša gore O be a tla dira seo, gomme seo se netefatša gore yola ke Mesia.”

160 Gomme ge a sepeletše godimo go Bogona bja Gagwe, Jesu o rile go yena, o rile, “Bonang Moisraele, yo go yena go se na go bofora.”

161 O rile, “Rabi, ke neng O ntsebile?”

162 O rile, “Pele Filipi a go bitša, ge o be o le ka tlase ga mohlare, Ke go bone.” O netefaditše Lentšu la Gagwe. O netefaditše Lentšu la Modimo. O dirile.

163 Mosadi mo sedibeng, ge a ile. . . Gabotse, O mo kgopetše go Mo dumelela a nwe meetse go tšwa moeteng wo a bego a e ga meetse go tšwa sedibeng, gomme a re, “Ga se setlwaedi go lena Majuda go kgopela rena basadi ba Basamaria dilo tše bjalo ka seo, gobane ga re gogišane.”

164 O rile, “Eupša ge o ka be o tsebile Yo o bolelago le yena, o ka be o kgopela Nna seno.”

O rile, “Sediba se a iša.”

165 Gomme poledišano, ge tšwela pele bjalo, la mafelelo O hweditše seo bothata bja gagwe e bilego. Gomme A re, “Eya o tle le monna wa gago, gomme o tle fa.”

Mosadi a re, “Ga ke na monna yo itšego.”

166 A re, “O boletše therešo, ka gore o bile le ba bahlano, gomme yo o dulago le yena bjale ga se monna wa gago.”

167 “Gobaneng,” a re, “mohlomphegi, ke a hlaologanya gore Wena o moprofeta.” O . . . “Ga se re be le yo motee go mengwaga ye makgolo a mane, o a tseba.” A re, “Ke a hlaologanya gore Wena o moprofeta. Bjale, re tseba gore ge Mesia a tlile, yo a bitšwago Kriste, ge A etla, O tla re botša dilo tša mohuta wo. Seo e tla ba seka sa gagwe.”

168 Ge A rile, “Ke nna Yena yo a bolelago le wena,” O netefaditše Lentšu la Gagwe. O . . . re netefatša seo A tleleimilego go ba. O be a le Mesia, Morwa wa Modimo.

169 Bjale re hwetša, gape, gore mosadi yo monnyane yo o bile le taba ya madi, yo a kgwathilego kobo ya Gagwe, seo gape se mo netefaditše gore O be a le Lentšu la Modimo.

170 Bjale elelwang, bošegong bjo, Jesu o rile. . . Gape, go Bahebere, 1, Bahebere tema ya 3, ke a dumela ke yona, O boletše

gore, “Yena bjale ke Mopriska Mogolo,” lebaka le re phelago go lona bjale, “Mopriska Mogolo a dutšego Bogošing bja Modimo, mo Magodimong, yo a ka go kgwathwa ke dikwi tša mafokodi a rena.”

¹⁷¹ Bahebere 13:8 e re, “O a swana, maabane, lehono, le go ya go ile.” Ke Modimo wa go swana yo A bilego nako yela. O a swana bošegong bjo.

¹⁷² Mokgethwa Johane 14:12, O rile, “Yo a dumelago go Nna, mediro yeo Ke e dirago o tla e dira le yena. Ebile ye mentši go feta ye o tla e dira, ka gore Ke ya go Tate wa Ka.” Le a bona? “Yo a dumelago go Nna, mediro ye Ke e dirago o tla e dira le yena.”

¹⁷³ Go Mateo 28, O rile, “Sebakanyana se sennyane gomme lefase le ka se sa Mpona gape, efela le tla Mpona, ka gore Ke tla ba le lena le go fihla bofelong bja lefase.”

¹⁷⁴ Jesu Kriste o a swana maabane, lehono, le go ya go ile. O a ema, bošegong bjo, go netefatša Lentšu la Gagwe. (Nako ya ka e sepetše.) Eupša O netefaditše A ka kgona. O netefaditše Lentšu la Gagwe nako yela, seo A se tshepišitšego go letšatši lela. O netefaditše mantšu a Jesaya. O netefaditše mantšu a Noage. O netefaditše mantšu a Moshe. O netefaditše mantšu a yo mongwe le yo mongwe wa baprofeta.

¹⁷⁵ O tshepišitše se mo letšatšing le, letšatšing l re phelago go lona, gore lefase le tla ba seemong sa Sodoma, baratanikaseng. E nno e lebelelang ka go lefase lehono, mo gohle lefaseng ke etelago; e sego feela fa, mogohle. E a hlobaetša. Ka Sweden, banna ba baswa le basadi ba ya go thelela aeseng, ba le pshenene. Gomme bona ka Jeremane le Fora, le mogongwe le mogongwe gape, e no ba e ka ba mohuta wa bogwaragwara wo re nago le wona mo Dinaga Kopano. Ke lebaka. Nna, ge nka hwetša sebaka go ka tsoge ke boile, ke rata go bolela ka dilo tše dingwe tša seprofeto, go lena, go le laetša leo, lebaka le re phelago ka go lona. Beibele e boletše gore, “Bana ba tla buša batswadi ba bona.”

¹⁷⁶ [Ga go selo go theipi—Mor.] . . . Lentšu.

¹⁷⁷ Eupša, elelwang, Abraham o bile le peu, yeo e bilego Peu Isaka. O bile le dipeu tše dingwe ka morago ga lehu la Sarah. Gomme o be a le bogolo bja mengwaga e lekgolo le masomenne tlhano, o nyetše mosadi yo mongwe, o bile le barwa ba šupa ka ntle le barwedi, gobane Modimo o be a mo fetoletše morago go monna yo mofsa ge a be a le bogolo bja mengwaga ye lekgolo. O be a le gape nako yeo feela masomenne tlhano, kafao nako yeo o . . . Re tseba seo. Ke rerile seo go lena fa ka California, mengwaga ya go feta.

¹⁷⁸ Gomme bjale re kwešiša gore Peu ya Abraham e be e se peu ya nama ya thobalano ka Sarah, yeo e bilego Isaka, yeo e dirilego setšhaba, eupša Peu ya segoši e be e le ka tshepišo, yeo e bilego Jesu Kriste. Gomme ka Peu yeo, O tsošitše godimo Peu ya segoši. Oo, nna! Bjale re bopriska bja segoši, setšhaba

sa segoši, setšhaba se sekgethwa, re neela ditheto go Modimo, sehlabelo sa dipounama tša rena di efa tumišo go Leina la Gagwe. Modimo o netefaditše Lentšu la Gagwe, O tšholletše ntle Moya wo Mokgethwa godimo ga rena.

¹⁷⁹ O rile, “Bjalo ka ge go bile matšatšing a Sodoma, go tla ba bjalo mo letšatšing ge Morwa motho a tla be a utollwa.” Bjale a le lemogile? Go tloga go Morwa wa Modimo, feela pele A e ba Morwa wa Dafida, O ikutolla Yenamong gape bjalo ka Morwa wa motho. A le lemogile Lengwalo?

¹⁸⁰ Ka gore, O a dira ka mehla, Ga a ke a dira selo ntle le ge A e dira e tsebege go bapofeta bahlanka ba Gagwe. Yeo ke tlwa. Ke seo tshepišo ya Gagwe e bilego. Le a bona? Ga a ke a dira selo . . . Modimo a ka se aketše. O e utolla ka mehla, la mathomo, pele A e dira.

¹⁸¹ Lebelelang go seemo re dutšego ka go sona lehono. Lebelelang fao re lego gona. Yo mongwe le yo mongwe wa lena o tla dumela re ka go Sodoma ya sebjalebjae. Le a tseba naga ye e di emetše. Ba tshetše dikholofelo. Ga go sa na phološo ye e šetšego go setšhaba se goba go se sengwe setšhaba. Re tshetše seo bjale. Diprofeto tšeo di profetilwego ka se, di phethagetše. Modimo o a budutša, a hwetša nku yela ye nnyane ya mafelelo e ka ba kae e lego. E tla ba ka gare yohle, letšatši le lengwe. Re mo nakong ya bofelo. Lebelelang, ka leemo.

¹⁸² Ke a le kgopela, feela bjalo ka ngwanešu goba kgaetšedi, go aga feela nakwana bontši bja tumelo pele re rapelela batho ba. Gomme ke a tseba ga ra swanela go ya go nako e rilego. Eupša ke—ke—ke nyaka go thoma mothalo wa thapelo, kagona lena bao le swanetšego go sepela le ka sepela gona. Le a bona? Lena ba le nyakago go šala go mothalo wa thapelo le ka no šala. Eupša no ntumelelang, feela bjalo ka ngwanešu, go no šupetša ntle se sengwe go lena nakwana.

¹⁸³ Šetšang Jesu, go Luka 17:30, le a bona, ge A be a bolela fale ka nako ya bofelo, ka fao ba tla bago go swana le matšatšing a Noage. Nako yeo O rile, “Gomme go swana, ka go swana, mo matšatšing a Sodoma,” o rile, “ge Morwa motho a utolotšwe.” Morwa wa motho gape, e sego Morwa wa Modimo. “Morwa wa motho,” le a bona, seo se tliša gare Maleaki 4 gape, morago thwi ka go lokologa. Tšohle diprofeto tše di tla thwi ka gare, ka fao e swanetšego go dirwa. O netefatša Lentšu la Gagwe go ba bjalo. Yeo ke therešo.

¹⁸⁴ Gomme hlokomelang, go direng seo, ka fao O ya go tšhollela ntle Moya wa Gagwe godimo ga nama yohle, gomme seo se yago go direga, ka fao pušetšo e tla bowa morago. “Gomme barwa ba lena le barwedi ba lena ba tla profeta. Godimo ga basetsana le bahlanka ba basetsana Ke tla tšhollela Moya wa Ka. Gomme Ke tla bontšha dika magodimong kua godimo.”

185 Ke swere senepe mo, sa Ngwanešu Lee Vayle fa. Ke tla rata go le bontšha feela seo se diragetšego godimo mo thabeng, letšatši le lengwe, ge tšohle digotlane tša sekolo di ntšheditšwe ntle, feela pele sehlogo se se segolo sa go bulwa, ona Mahuto a šupago. Ge digotlane tša sekolo di ntšheditšwe ntle, be ke le godimo fale ke rapela, fa go bile Mollo feela bjalo ka fanele o theogela fase, morago o boela morago godimo gomme wa thuthupela ntle, gomme wa retologa le go bowa morago fase gape. Seo ke se A se boletšego se botšwe batho. Re. . . So O fa, fao dikolo tša Tucson. . . gomme fao O ilego godimo ka sebakabakeng.

186 Gomme saense e tšere dinepe, le go ya pele, le go botšiša ka Wona. Ba rile, “Na O mo kae? Go diragetše eng?” Ga ba kgone go e hlaologanya, le a bona. Oo, ga e dirwe ka sekhutlong, ke feela letswalo le fifaditšwego. Ga se nke. . . Jesu, ge A be a le fa, go bile dimilione tša batho ba sa nkago ba tseba O be a le lefaseng. Ya. Go tla ba dimilione lehono ba ka se kwešiše, masome a dimilione tša bona.

187 Eupša go tla ba, go bao Ba E rometšwego go, ba tla kwešiša. “Bahlale ba tla tseba Modimo wa bona mo letšatšing leo, gomme ba tla dira matete.” Re lemoga seo, iri ye re phelago ka go yona.

188 Lebelelang go Sodoma bjale, lebelelang seo se diregilego. O rile, “Bjalo ka ge go bile matšatšing a Sodoma.” Go bile le sehlopha sa batho seo se bego se lebeletše go morwa wa tšepišo. Re dumela seo. Yoo e bile Abraham le sehlopha sa gagwe. Go be go ne sehlopha sa ba bololo, Lota, mokgelogi wa seripa, go le bjalo modumedi; tlase ka Sodoma. Dihlopha tše tharo tša batho.

189 Ka mehla go ne tšona dihlopha tše tharo. Batho ba Hama, Seme, le Jafete. Gape, badumedi, baitirabadumedi, le basedumele. Ba mo gohle, gomme re—re ba hwetša go sehlopha se sengwe le se sengwe. Gomme, mo gohle, o a ba hwetša. Gomme dihlopha tšeo di sa le gona. O swanetše go arola seo. O ka e tšea thwi go kgabola Lengwalo, e no itogaganya ka boyona thwi ka gare.

190 Theetša se. Lebelelang go fao re dutšego, ka maemo le ka seprofeto, bošegong bjo. Bjale, yo mongwe le yo mongwe wa rena o tseba gore lefase le ka seemong sa Bosodoma.

191 Re tseba diprofeto tšohle tša Israele, e ka nagalegae ya yona. Ge o nyaka go tseba ka bosetšhaba fao re emego, šetša Israele, fao e lego.

192 Ge o rata go tseba seemo seo kereke e lego, šetša tsela yeo basadi ba dirago. Mosadi ke kereke. Mmoneng, wa moitshwarahlepi, wa go hloka mekgwa; šetšang, lebelelang fao kereke e lego gona. E no e šetšang, le a bona, le a bona, e no šetšang basadi. Le bona fao, ka fao basadi ba lena ba itheošago le go ba ba go tšhilafala bjalo, yeo ke tsela kereke ya lena e lego, le a bona, seswantšho.

193 Šetšang fao Israele e lego, le bona morithi nako fao re lego. Le a bona, e no šetšang dika tšela le matete. Ge le—ge le, goba ge mahlo a lena a ponyologile, bonang fao re lego.

194 Bjale šetšang ka leemo fao re dutšego, lefase le ka seemong sa Sodoma. Bjale hlokomelang, “bjalo ka ge go bile.” Bjale hlokomelang, go be go ne yo mongwe, mo letšatšing leo, a šeditše go go tla ga morwa wa tshepišo. Abraham le Sarah, ba be ba šeditše go morwa wa tshepišo go sehlopha sa Abraham. Ba be ba se se ka Sodoma. Upša feela ka nakwana yeo, tema ya mafelelo ya tiragalo, feela pele morwa wa tshepišo a e tla, go be go le banna ba bararo ba tlile tlase go tšwa Legodimong, Morongwa. . . Barongwa ba babedi le Modimo. Gomme ba tlile fase gomme ba boletše le Abraham, ka fase ga moouko. A yeo ke therešo? [Phuthego e re, “Amenel!”—Mor.] Gomme ba babedi ba bona ba ile tlase ka Sodoma gomme ba goelela ntle kgahlanong le sebe sa motse. Gomme e bile feela pele ga go swa ga lefase la Bantle, ka nako yeo. Sodoma yohle ya fedišwa thwi nako yeo. Ke feela ba se nene ba gogetšwego ntle, Lota le barwedi ba gagwe ba babedi. Mosadi wa gagwe ga se nke ebile a kgona; o retologetše morago. Ka fao nka no ratago go ba le nako go e bontšha seo thwi bjale, fao kereke yela e emego ka leemong lela. Ke nyaka le lemogo bjale.

195 Gomme Monna yo motee o šetše morago, yo a boletšego le Abraham, Gomme O dirile seka go Abraham. Gomme, šetšang, Abraham o be a bone Modimo ka dika tše dintši tše kgolo. Re dumela seo, a ga re? [Phuthego e re, “Amenel.”—Mor.] Feela pele ga morwa yo a tlogo. Eupša pele morwa a bonagatšwa, go bile le seka a se filwego.

196 Gobane, Morwa, Morwa wa therešo, o be a tla ba Morwa wa Modimo, ka tumelo ya Abraham, le a bona, e be e le Jesu. Rena re le peu ya Abraham, re hwile ka go Kriste, re peu ya Abraham.

197 Hlokomelang bjale feela pele seo se direga, morwa yo go tla. Bjale, yo Motee yo o šetša gomme o boletše le Abraham, a bile le mokokotlo wa Gagwe o furaletše tente, gomme A re, “Abraham.” Bjale, feela letšatši pele ga seo, o be a le Abram. Bjale A re, “Abraham, o kae mosadi wa gago, Sarah?” e sego Sarra, S-a-r-r-a. S-a-r-a-h, kgošigatšana, “O kae mosadi wa gago, Sarah?”

A re, “O ka tenteng ka morago ga Gago.”

198 A re, “Ke ya go go etela, le a bona, go ya ka tshepišo ya Ka yeo Ke go diretšego.” Ka mantšu a mangwe, “Nako ya bophelo, Sarah o tla thoma go nako ya setlwaedi ya bophelo gape.”

199 Gomme Sarah, a tšofetše, bogolo bja mengwaga ye lekgolo bjale, ka tenteng, o segile godimo ga letsogo la seaparo. Le a bona, o ile a myemyela go yenamong, a re, “Monna yola a ka nepa bjang? Le a bona, nna mosadi wa motšofe, morena wa ka Abraham ntle fale, le yena o tšofetše, ditaba tša selapa di šetše di dirilwe go tlošwa go rena menywaga.” A re, “Nka kgona bjang go

tsoga ke ipshina gape le morena wa ka? Yena a tšofetše, gomme nna ke tšofetše, ke fetile pele go, ditšhika tša matutu di ile, ye nngwe le ye. . . ‘O omile godimo.’ Re ka kgona bjang go tsoga re bile le go ipshina gape?”

²⁰⁰ Gomme Monna yola, ka mokokotlo wa Gagwe o furaletše tente, a re, “Gobaneng Sarah a segile, a re, ‘Dilo tše di ka ba gona bjang?’” Seo e be e le eng? Go hlatha, ya seprofeto! Le a bona? Le a bona? Seo ke se a se bonego.

²⁰¹ Bjale A re, “Seo se tla bowa gape, gomme Morwa wa motho,” yo yoo a bilego, yoo e be e le Morwa wa motho thwi fale. Gabotse, o Mmiditše Elohim, “Morena Modimo.” Elohim, mang le mang o tseba seo ke nnete, Elohim ke Morena Modimo. “Mathomong Elohim o hlotše magodimo le lefase,” molekanelagohle yo Motee. Morwa wa motho a dirilwe nama, šole O be a eme fale ka nama ka nako yeo, bjalo ka theophany, a eme fale a hlatha seo Sarah a bego a se bolela ka tenteng ka morago ga Gagwe. O tshepišitše. Šetšang. Peu ya Bogoši ya Abraham e tshepišitšwe go bona selo seo sa go swana.

²⁰² Eupša hlokomelang Lota, o bile le motseta fase kua, le yena, ba babedi ba bona ba ile tlase kua. Yo motee wa bona o ile tlase, gomme yo mongwe o ile tlase le yena, gomme ba rerile le go bitša batho go tšhaba go tloga go bogale bjo bo bego bo etla.

²⁰³ Ka leemo, lefase ga se nke la dula ka go boemo bjola, go tloga tšatši leo le Jesu a dirilego tshepišo, go fihla gonabjale. Ke nyaka go botšiša rahistori yo itšego a ka bego a le ka moagong, goba ge o ka kwa ebile mo theiping ye, gomme wa e kwa ka nako e ka ba efe, ka kgopelo nngwalele. K ithutile histori bjale go mengwaga ye itšego e masometharo, histori ya Bibe, gomme ga se ke gwa ba motho yo nkilego ka mmona go histori yohle ya kereke, go kgabola mabaka a šupago a kereke. Gore bjale re ka go Laodikia, gomme re tseba seo.

²⁰⁴ Ga se nke le neng gwa ba motseta, yo a ilego a ya go kereke ka moka, ka leina la gagwe le felela ka h-a-m, go fihla gabjale. G-r-a-h-a-m, Billy Graham. Go bile le boMoody, Finney, Sankey, Knox, Luther, le go ya pele, eupša ga se nke wa h-a-m, “tate go ditšhaba.” Bjale elelwa, ke G-r-a-h-a-m, ditlhaka tše tshela. Eupša A-b-r-a-h-a-m ke tlhaka tše šupa. Hlokomelang, ba tlase fale, Billy Graham, a eya ka go di—di dikarolo tšohle tša lefase, gomme a bitša go tšwa ka Sodoma, “Tšwang ntle, tšhabang bogale bjo bo tlogo.” Ga go ne monna yo ke tsebago ka ga, mo tšhemong, yo a nago go swara ga Modimo, go lentšu leo la tokafalo, go swana le Billy Graham a dira. O kgona go e hlagiša. Ga se yena moithutamodimo yo kaalo. . . ke a thanka ke moithutamodimo, eupša ga se moreri yo maatla bjalo. Eupša Modimo o na le yena. Monna yola o tla ema fale ka thuto ya go swana le sekolo sa Lamorena, a swara batho bale ba gakanegile.

Ke mohlanka wa Modimo wa iri. Go bomang? Kereke ya tlhago, yeo e lego ka Sodoma.

²⁰⁵ Eupša elelwang, go bile le kereke e tee ya semoya, yeo e be e se ka go seaparo sa kereke ya leina, le ga tee. Sehlopha sebiletšwa ntle, gomme ba amogetše molaetša, gape, le motseta. Gomme seo e bile eng? Go hlatha dikgopolo tšeo di bego di le ka pelong. Modimo ka mehla o netefatša Lentšu la Gagwe.

²⁰⁶ A re rapeleng. Morategi Tate, nakwana ye ya tšhoganetšo, fao dipheto di swanetšego go dirwa, nako e bethabetha go feta, ga re tsebe ke nako efe Morena wa rena a ka tlogo. Gomme bjalo ge re bona diprofeto tše tšeo di dirilwego ke Yena, ka baprofeta ba Gago tlase go kgabola mabaka, bjale di a phuthollwa. O Modimo, ke Go leboga bjang ka se, gore le motho wa mmele wa go kgona, banna ba go kgona go—go thutamodimo, gore ba ka ema godimo kgahlanong le matshwenyego a lefase le basedumele, le go diphanele tše, gomme ka godimo ga morithi wa pelaelo ba eme fale ka sebete le bonatla, ba tseba fao ba emego le go netefatša Lentšu lela go ba therešo, ka Mangwalo. Gomme kagona rena ba re letilego go go Tla ga Gago, Morena, re dumela dilo tše dingwe tše tšeo di profetilwego gore di tla direga, go ema le go ipshina go Go bona o sepela thwi magareng ga rena le go phethagatša sona selo seo O rilego se tla direga, go netefatša Lentšu la Gago go ba nnete. Modimo wa Gosafelego, bana ba Gago ba go babja ba dutše fa.

²⁰⁷ Ga ke tsebe ke bontši bjo bokae bja nako re nago go šoma. Letšatši la mantšiboa le a nwelela. Eupša O tshepišitše, go moprofeta, “Go tla ba Seetša e ka ba nakong ya mantšiboa.” Gomme re bona letšatši la go swana le hlaba ka bohlabela, ke lona le sobelago ka bodikela. Tlhabologo e sepetše le letšatši gomme bjale re ka Lebopong la Bodikela, gomme Ebangedi e sepetše le tlhabologo. Bjale, Tate, re tseba se ke bofelo bja Ebangedi, nako ya bofelo, bofelo bja lebaka. O nyamela ka go Bokagosafelego. Eupša O tshepišitše gore Morwa o tla tla ntle, Morwa wa motho o tla utollwa. Mo matšatšing a bofelo, se se tla direga. Dietša tša mantšiboa di tlile, Tate. Re leboga Wena go tšeo. Gomme ka boithobo bjalo ka ge e le, efela O e dira bonolo bjalo, makga a mantši, gore e ya tsela ka kua godimo ga ba bagolo, ba go bitšwa ba go nagana ka go teba, gomme go e utolla go bana ba bjalo ka ba go ithuta.

²⁰⁸ Ke a rapela, Modimo, gore O tla e dira bjalo, bošegong bjo, gore bana ba Gago ba go šokiša ba go babja fa ba tla bona tshepišo ya Modimo, gomme yo mongwe le yo mongwe wa bona o tla fola, le go ya ntle fa, gosasa, ka mebele ye meswa ya go tia, le go ba kaone gape. E fe, Morena, gore ba kgone go tšea Molaetša go tloga yo motee go ya go yo mongwe, go fihla wa mafelelo a le ka lešakeng, gomme gona mabati a tla tswalelwa. Re thuše, morategi Modimo. Ke a Go kgopela, bošegong bjo, mo selebaneng sa sohle se, ge O ka no re gatee gape, Tate, go nna.

209 Go—go bonagetše eke, bošego bjo bongwe, batho ga se ba e lemoga ga kaalo. Eupša, ke a rapela, a nke e direge gape bošegong bjo, Morena. Gobane, ke ile go feta nako ya ka e beetšwego go bolela, eupša ga ke tsebe ke botelele bjo bokae go kaakang re ilego go swanela go dira se. Kafao, ke a rapela, Tate, a O tla nkwa? Gomme ekwa thapelo ya banna ba ba bomodimo le basadi bao ba dutšego fa bošegong bjo, yo a tladišwego ka Moya wa Gago. Ke badumedi, Morena, O ka no šoma magareng ga bona. Gomme ke rena. . . ke a rapela gore O tla tiišetša Lentšu la Gago leo O rilego, “Yo a dumelago go Nna, mediro ye Ke e dirago o tla e dira le yena.” A nke e be gape, Jesu, go netefatša gore O a swana maabane, lehono, le go ya go ile. Ke e kgopela go letago la Modimo, ka Leina la Morwa wa Gagwe, Jesu Kriste. Amene.

210 Bjale, feela go nakwana, ke nyaka go tseba ke batho ba bakae bontši ka fa bao ba nago le dikarata tša thapelo. Ke—ke nyaka le phagamiše diatla tša lena, yo mongwe le yo mongwe wa lena bao le nago le dikarata tša thapelo. Gabotse, ke ka kakaretšo, ke a thanka, go no ba e ka ba gohlegohle.

211 Ke a makala ke bontši bjo bokae bja batho ka fa ba se nago dikarata tša thapelo, gomme efela le a babja, a le ka phagamiša diatla tša lena gomme la re, “Ga ke na karata ya thapelo, gomme efela ke a babja. Ke a hloka.”

212 Ke nyaka go le kgopela gore le hlomogeng go nakwana. Bjale, ke rata go bolela le lena. Bjo ke bothata bja ka ka mehla, ke bolela botelele kudu. Eupša pele le etla, ke—ke a hutša le go tshepa gore Modimo o tla netefatša se gomme seo ke se boletšego go ba Therešo, gomme a nke—a nke A no bona.

213 Bjale, ke ba ba kae bontši ba dutšego ntle fale bao ba babjago, bao ba tsebagore ga ke tsebe selo se tee ka bona, phagamišang diatla tša lena. E nno lebelelang seo. Go lokile.

214 Ke nyaka lena le se nago dikarata tša thapelo bjale. Dikarata tša thapelo di tla bitšwa godimo. Ke nyaka le rapele.

215 Beibele e boletše gore, “Jesu Kriste o a swana maabane, lehono, le go ya go ile.” O re, “Ke Moprista Mogolo a dutšego fale go dira dithapelelo godimo ga boipolelo bja rena.” Re swanetše go e bolela pele, pele A ka ba Moprista Mogolo, gobane O rapelela feela go boipolelo bja rena. A yeo ke therešo, modiredi moena? [Badiredi ba re, “Amene.”—Mor.] Le a bona, O rapelela feela godimo ga boipolelo bja rena, seo re ipolelago gore Ke sona, seo A se dirilego go rena. E sego seo A tla se dirago. O šetše a e dirile. Re swanetše go ipolela gore O e dirile. “O gobadišwe bakeng sa dikarogo tša rena, ka megogoma ya Gagwe re fodišitšwe.”

216 Bjale, Tate wa Legodimong o a tseba. Gomme go lebelela godimo ga lena, ke go bona ke lemoga mogwera yo mokaone wa ka go tšwa Ohio, yena le mosadi wa gagwe ba dutše fa, ke Mna. Dauch le mosadi wa gagwe. Gomme ke a dumela, a dutše sa bobedi goba sa boraro go tloga go bona, gape ke Moruti

yola, Mna. Blair yo ke mmonego bošego bja go feta. Ke leswiswi godimo ga batheeletši, go nna, ka lebaka la mabone a fa a mokgwa wa go se hlake gannyane go nna, gomme ga—ga ke le bone gabotse kudu.

217 Eupša ke nyaka o rapele. Gomme o bea pelong ya gago selo se o nago le tlhoko ya sona, gomme o kgopela Moprista Mogolo wa rena, Yo a ka kgwathwago ke maikutlo a mafokodi a rena.

218 Bjale, nna ke sa go tsebe, gomme o ka no nkgwatha mo gohle, go ba go no swana le go kgwatha ngwaneno, monna wa gago, modiša wa gago, yo mongwe, e ka se—e ka se go direle bokaone bo itšego. Eupša ge o kgwatha Yena, gomme ge ka therešo re le mothalong le Moya wa Gagwe, gona A ka šomiša tumelo ya gago go kgwatha Yena, gomme mpho ya ka go bolela morago ka.

219 Le a bona, ke tla no ba semumu bjalo ka se, se se *fa*, ntle ga lentšu le bolela ka sona. Go swanetše go ba . . . Se, se ke semumu ntle ga se sengwe fa go bolela ka sona. Gomme go bjalo ka motho mang le mang, ke semumu, ge go etla go dilo tše, ntle ga ge Modimo a bolela ka bona.

220 Bjale o rapele, gomme a nke re bone ge dilo tšeo ke di boletšego e le therešo. Modimo a e thuše go ba bjalo. Ga ke re O tla dira. Ke a holofela O tla dira. Ke a tshepa gore O tla dira. Ga se nke a nkiše fase le neng, mengwaga ka moka, go putla le go rarela lefase, le mehuta yohle ya ditšhaba, le dimilione tša batho. Ga se nke a mpalediša le neng. Gomme ke ne kgonthe, feela ka kgonthe bjalo ka ge ke dumela ke eme fa, A ka se mpalediše bjale.

221 Ke ye go le kgopela go hlomoga le go fela le dutše, feela go nakwana e se kae. Re ya go phatlalatša batheeletši bagolo gomme ra rapelela balwetši, feela ka nakwana.

222 Eupša ke nyaka lena, lena badumedi, gore ge le ka no se lebelele go nna, eupša dumelang. E re, “Ke dumela gore seo monna a se boletšego ke Lengwalo. Ga ke tsebe bjalo ka ge re le kgole godimo bjalo mo nakong bjalo ka ge a re re fao. Eupša, ge go le, gona e swanetše go direga. Ge Mantšu a gagwe e le Mantšu a Modimo, gona, mantšu a gagwe a tla šitwa eupša Mantšu a Modimo a ka se ke.”

223 Modimo o tlamegile go thuša Lentšu la Gagwe. O tla Le netefatša. O tla Le netefatša. “Yo a dumelago go Nna.” O netefaditše gore le ke letšatši la mafelelo. O netefaditše seo se tla diregago. O netefaditše gore se se be se swanetše go direga.

224 Gomme, elelwang, Abraham le sehlopha sa gagwe ga se nke ba amogela seka se sengwe gape go tšwa go Modimo, go fihla morwa wa tshepišo a goroga. Ke ba bakae bontši ba tsebago seo ke therešo? [Phuthego e re, “Amene.”—Mor.] Seka sela sa go hlatha! Gomme Peu ya Abraham ya segoši, a nke ke le kwe . . . A nke ke le botše, GO RIALO MORENA, le amogela seka sa lena sa mafelelo. Seo ke go ya ka Mangwalo le kutollo ya Modimo yeo e

lego ka pelong ya ka, yeo e bolelago gore ye ke Therešo. Gomme ke tshepa gore le tla e dumela go ba Therešo.

225 Bjale le a dumela. Yo mongwe le yo mongwe e nno dumelang, le re, “Morena Jesu, a nke ke Go kgwathe. Ke ne tlhoko ka pelong ya ka, gomme ke a tseba Ngwanešu Branham ga a tsebe selo ka nna. Ebile ga ke tsebe monna, ga a ntsebe, eupša O a tseba. Gomme ge a mpoeditše Therešo, se se tla direga.” Ke a le kgopela, se šutheng bjale, feela ga nthatana gannyane. Ebang kgonthe . . .

226 Le a bona, o moya. Gomme ke tšea moya wo mongwe le wo mongwe ka fa ka tlase ga taolo ya ka, ka Leina la Jesu Kriste, gore Lentšu la Gagwe le ke le phethagatšwe.

227 Bjale e no hlomogang. Rapelang. Lebelelang go yena, le re, “Morena, ke a e dumela. Thuša Wena go se dumele ga ka.”

228 A re thomeng. Ke swanetše go bea šedi go mohuta wo itšego wa karolo ya moago fa, gobane, le a bona, ba bantši ba lena bjalo, gomme yo mongwe le yo mongwe wa lena ke moya.

229 Nka se kgone. O re, “Go reng ka nna?” Nka se kgone go go botša. E ikeme. Mediro ya Modimo yohle e ikeme. Go tla ba le batho ba bantši ba tla folago go kgabaganya sefala se, bošegong bjo, go tla ba le mohlomongwe ba bantši ba ka se kego. Yohle e ka go boikemo bja Modimo. Ke mang a ka go Mmotša a dire eng? Ga a gona. O dira go ya ka thato ya Gagwe Mong, peakanyo ya Gagwe mong.

230 Eupša o no dumela. Ikokobetše. O se tšhoge. E no obeletša ntle go Modimo, gomme o re, “Morena Modimo, ke a e dumela.” Le a bona? “A nke ke kgwathe kobo ya Gago. Ke hloka *sa gore le gore*. Ke a tseba ngwanešu ga a ntsebe goba go tseba tlhoko ya ka, eupša o re boditše ka dilo tše tšeo O di dirilego, le go re O fa wa go swana lehono.”

231 Seo ga se bea lena baena ka ntle fa mo sefaleng, mang le mang wa lena. Ke no le kgopela, baena ba ka, bjalo ka bašomi mmogo ba—ba Ebangedi ya Kriste. Ke bolela le lena feela ka go hlokofala ka mo ke go tsebago, bjalo ka mo—mo motho yo a hwago le lena, le a bona, go tlogela lefase le. Re swanetše go tloga. Gomme ke swanetše go fa boikarabelo ka Letšatši la Kahlolo, go seo ke se bolelago. Ke lemoga seo, go lemoga kudu. Gomme ke a go thabela wena monna, seo o lego, o eme fa le nna, o nthuša. Ke leka go go thuša, go dira se sengwe le se sengwe nka kgonago, sebakeng sa Mmušo wa Modimo.

Ke a rapela le go kgopela.

232 Fa, ke ba bakae bontši ba kilego ba bona Seetša sela mo seswantšhong? Le bone seswantšho sa Sona? [Phuthego e re, “Amene.”—Mor.] Sesela Se lekeletše thwi *fale*. Ga le kgone go Se bona?

233 Se godimo ka godimo ga mohumagadi yola a dutšego fale le sakatuku sa gagwe. O rapelela yo mongwe a mo ratago.

Yeo ke nnete, mohumagadi. [Mohumagadi o re, “Yeo ke nnete, Ngwanešu Branham.”—Mor.] Yola o mo ratago . . . A o ntumela go ba moprofeta wa Gagwe, goba ntshwarele, mohlanka wa Gagwe? [“Ka kgonthe ke a dira.”] O dumela seo? Go lokile. Bjale, ge Modimo a ka nkutollela seo se fošagetšego, gobaneng, o tla se amogela go ba go tšwa go Modimo, feela bjalo ka mosadi yola a kgwathilego kobo ya Gagwe? Bjale, o a tseba o—o dikgato tše masomepedi goba masometharo go tloga go nna, goba bontši, ga se nke wa nkgwatha. Eupša o kgwathile Se sengwe, seo o tsebago o kgohlagane le Se sengwe, Yo mongwe. Ke eng, ke sa mosadi, yo e lego morwedi wa gago. Yeo ke nnete. A o a dumela gore o tla dirwa a welwe ke maruru? Ke lekgoba la seokobatši. [“Ke nnete.”] Yeo ke nnete tlwa. [“Ke nnete, ngwanešu.”] Ke mmona a rutha, a tagilwe. O a bona? Bjale, sakatuku seo o nago le sona ka seatleng sa gago, o se bea godimo ga gagwe, gomme o se belaele. Ke a dumela gore Modimo o tla mo lokolla. A o tla e dumela le nna? Amene. [“Oo! Ke a Go leboga, Jesu!”]

234 Bjale, ga ke tsebe mosadi, eupša Modimo o a mo tseba. A o a dumela bjale ka pelo ya gago yohle?

235 Monna a dutšego godimo fale ka hempe ya dithupana godimo, ka henia, o dumela gore Modimo o tla go fodiša le go go dira o be kaone? A o a dumela gore O tla e dira? Ga se nke ka ke ka bona monna bophelong bja ka. O ne karata ya thapelo, mohlomphegi? [Monna o re, “Aowa, ga ke nayo.”—Mod.] Ga o nayo? Ga o hloke e tee.

“Ge wena o ka dumela!”

236 Fa go dutše mosadi a leka go lebelela kua godimo ga mosadi yo a dutšego thwi fa. Ke mosetsebje go nna. Eupša o tšhogile ka kgonthe. Ga ke mo tsebe. Ga se nke ka ke ka mmona, bophelong bja ka. Eupša Modimo o a mo tseba, gomme o a lemoga thwi bjale o kgokagane le Se sengwe. O be o rapela fale go taba e rilego. Lebaka le o lego, o ka se dule botelele go feta bošego bjo. O swanetše go tlogela kopano. O beakantše go ya gae ga gago, gosasa. Ga o tšwe fa, goba ebile ga o tšwe California. O ya bohlabela go tloga fa. O ya ka sefofane. O beakantše, go ya ka sefofane. O tšwa Oklahoma. Ya. Yeo ke nnete.

237 Gape o ka seemong sa go hwa. O tla fa go rapelelwa. Ga o ne karata ya thapelo. Eupša o dumetše gore o ya go fola, ge feela o ka fihla fa. Yeo ke nnete. Gape, seemo sa gago ke kankere. Kankere e ka lerapong. A o a dumela o ya go fola bjale? O a dumela o kgokagane le Yena, kgaetšedi wa ka? Mohlomongwe Modimo o tla mpoša ke wena mang, gona seo se tla go thuša? Ge e le sona, phagamiša seatla sa gago ge o dumela seo, gore (Modimo) se tla go thuša. Go lokile, Mdi. Steel, o ka boela Oklahoma.

Ga ke tsebe mohumagadi. Ga se nke ka ke ka mmona.

238 Fa go mohumagadi a dutše thwi morago fa ka morago ga gagwe. O tlaišega ka ditšhika tša maoto. Gomme gape o ne

morwa yo e lego segatamoroko, gomme o a mo rapelela. Ge a ka dumela, a ka fodišwa. Mdi. Mason, o ka dumela le nna ka pelo ya gago yohle, le go dumela gore Jesu Kriste o tla go fa phodišo? O a dira?

²³⁹ Go lokile, gona bea seatla sa gago go mosadi yola a dutšego hleng le wena fale, o rapelela monna wa gagwe go a sego a phološwa. Modimo o tla fa phodišo.

A re rapeleng.

²⁴⁰ Morategi Modimo, ke a rapela gore O tla fa tšhegofatšo yela go yena. Efa mosadi yola tlhologelo ya pelo ya gagwe, Morena. Tumelo ya gagwe e kgauswi le Wena, e Go kgwathile. Gomme ke a rapela, Tate, gore O tla thuša, ka leina la Jesu. Amene.

²⁴¹ Bjale dumela ka pelo ya gago, gore o tla e amogela. A o tla dira seo? Go lokile. Modimo a go šegofatše.

²⁴² A o a dumela monna wa gago o ya go phološwa, mohumagadi? A o a dumela ka pelo ya gago yohle? Phagamiša seatla sa gago, o a dira.

²⁴³ Go bonala go ba, pele ga ka, mosadi yo mokoto kudu. Šole fale o dutše. O a ntumela go ba mohlanka wa Modimo? O a ntumela go ba mohlanka wa Modimo? O a dira. Go lokile. Ga ke go tsebe. Seo bothata bja gago e lego, ke dithaka. O imela kudu. O be o le go ngaka, o rile a ka se kgone go dira selo ka yona, eupša e be e le ngaka ya lefase. O a bona? Wa gago. . . O sa tšo ba le manyami a mantši. O lahlegetšwe ke monna wa gago. Ga o tšwe fa. Ka kgonthe o tšwa Arkansas. O nyaka mošomo, gape, gomme ga o kgone go hwetša mošomo. O be o boifa gore, se sengwe, o ka se bitšwe. Eupša tumelo ya gago bjale e kgwathile Modimo. Kgaetšedi ya ka, o a sepela, dumela. Modimo a go fe mošomo, a go fe tlhologelo ya pelo ya gago.

²⁴⁴ Modimo o netefatša Lentšu la gagwe go ba therešo. A le dumela seo go ba bjalo? [Phuthego e re, “Amene.”—Mor.] Bjale ke nyaka le rapeleng le nna gape.

²⁴⁵ Tate, Modimo, O Modimo wa go swana yo a netefaditšego. Ge O rile, “Mosetsana ga se a hwa, o robotše,” gona O ile wa swanela go e netefatša. Bjale, O tshepišitše, gore feela pele ga go tla ga bofelo bja nako, gore Morwa wa motho o tla ikutolla ka Boyena ka moggwa wa go swana a dirilego ka Sodoma. O e tshepišitše, Morena. Bjale O tlile lefaseng, ka sebopego sa Moya wo Mokgethwa, gomme o tsene magareng ga rena, bošegong bjo, rena batho ba go dumela, gomme wa e netefatša. O netefaditše Lentšu la gago go swana O dirile letšatši lela. Morena, ga re sa nyaka netefatšo gape. O magareng ga rena. Re a Go rata. Gomme re lemoga gore se ke seka sa mafelelo feela pele ga go Tla ga Gago, go ya ka Mangwalo. Gomme meriti yohle le diswantšho ga di ke tša šitwa. Di swanetše go ba mannete.

246 Kafao re a rapela, Tate, bjalo ka bana ba Gago ba etla go rapelelwa, gore yo mongwe le yo mongwe a fole. A nke a se be motho wa go babja a šadišwago magareng ga rena, mafelelong a tirelo ye ya phodišo. O morategi Modimo, a O ka dumelela tlotšo ya Gago e be ka mogau bjalo godimo ga batho ba Gago feela bjale, gore yo mongwe le yo mongwe wa bona a ke a fole?

247 Gomme ge go ka ba ba bangwe fa, bao e sego bana ba Gago ga bjale, gomme godimo ga motheo wa dilo tše, gore. . . Ba kwele Lentšu gomme ba bone selo se dirwa, feela se netefatšwa tlwa go yona tlhaka, le Yoo O lego le seo O lego, gore O fa.

248 Gomme, Morena, a O ka—a O ka šegofatša maaka? Gobaneng, ka kgonthe o ka se ke, Morena. Eupša O ile wa tshepiša go šegofatša Lentšu la Gago, gomme Le ka se boe le hloka. Le tla diragatša seo o Le reretšego go se dira. Gomme bjale O dirile seo pele ga rena, bošegong bjo, ka godimo ga morithi wo itšego wa pelaelo.

249 Gomme ka dihlogo tša rena di inamišitšwe, a go ne batho fa bao ba sa nkago ba dumela pele, bao ba kago rata go no phagamiša seatla sa bona godimo? Ka dihlogo tša lena di inamišitšwe, e no emiša seatla sa gago. Gomme o eme ka maoto a gago, gomme o re, “Bjale ke a dumela, ka pelo ya ka yohle. Gomme ke nyaka go amogela Jesu Kriste, thwi bjale.” A o ka dira seo, motho mang kapa mang, motho mang kapa mang a lego fa, yo a sešogo a amogela Kriste, gomme a ka nyakago go e dira ka nako ye? Nka se go botše. . . O ya go kereke ya kgetho ya gago. Eupša ke go kgopela go amogela Jesu Kriste ge o sa. . . Mohlomongwe o ka se hlwele o e ba kgauswana le Yena go fihla o Mmona ka nama ge A etla ka mmele wa Gagwe wa go bonala go tšwa Magodimong. A bjale o tla Mo amogela ge e ba ga sešo wa e dira?

250 Godimo ga motheo wa go se bone motho fa a eme, ke a dumela gona bohle ba lena go ba ba feleletšego, batho ba go ikwešiša, le go lemoga seo le se dirago. Ge e ba o dutše fale ka tlase ga se, o elelwe, “Go o lewa ke dihlong ka Nna pele ga motho, Ke tla go jelwa ke dihlong pele ga Tate wa Ka.” Go bile le yo mongwe a emeletše godimo, mohlomongwe, ee, ka go batheeletši, ka morago.

251 Morategi Modimo, bao ba ka, ga se ka bona, bao ba emego, ba nyaka go amogela Wena. Ba a lemoga, Morena, gore ga se nke sa dirwa go fihla nakong ye, gomme bjale O a e tišetša le go netefatša gore e bjalo. Ke a rapela, Tate, gore ka dipelong tša bona, tšeo di huduilwego ka go tlabo mo nakong ye. . . Re tseba bjang eupša yoo ke motho wa mafelelo go tla ka gare? Se e ka no ba bofelo bja Los Angeles. Ye e ka no ba soulo ya mafelelo yeo e tla tswalelwago ka go Mmušo. Ga re tsebe dinako tšeo di etla. Gomme ge e dira, lemati le tla be le tswaletšwe, Mmele o tla be o feleletše. E ka se be Mmele wa mathaithai goba Monyalwa

wa mathaitshai. O tla no ba le maloko a mantši bjalo bao maina a bona a ilego a bewa go Puku ya Bophelo ya Kwana pele ga motheo wa lefase, go wo Jesu a tletšego go o tšea, go swana le Adama, a sepetše thwi ntle go phološa mosadi wa gagwe. Ke a rapela, Modimo, gore O tla ba amogela bjale ka go Mmušo wa Gago. Ba ka diatleng tša Gago. Dira ka bona, Morena, ke a rapela ka Leina la Jesu. Amene.

²⁵² Modimo šegofatša yo mongwe le yo mongwe wa lena bao le emego. Ga ke tsebe ba bangwe ba lena ba be ba eme. Ba bangwe ba eme ka morago, ba bangwe godimo lebatong la godimo. Bjale ke nyaka le ntirele selo se tee. Ka kgopelo nkwešišeng. Kopana le modiredi yo mongwe fa gomme o e boleme go fetša le bona, ka morago ga ge kereke e tšwile. A le tla e dira? Le se e dumelele e šitwe. Ge o sa nka wa ke wa kolobetšwa ka kolobetšo ya Sekriste, dira seo go latela, gomme morago dulang ka matsogo a lena godimo go fihla le amogela Moya wo Mokgethwa.

²⁵³ Bjale, gomme batho ba bantši ba ne dikarata tša thapelo fa. Re ya go ba kgopela go emelela, le go tla godimo fa, gomme ke a thanka ba sepele go kgabaganya. Goba a nka swanelwa ke go tla . . . [Monna o re, "Aowa."—Md.] Nka se kgone go. ["E tla go tšwa lehlakoreng le godimo fa."] Go tšwa lehlakoreng *le* godimo fa, nka tla ntle ka tsela ye, godimo go lehlakore le, batho ba ba nago dikarata tša thapelo.

²⁵⁴ Gomme bjale ge go ka ba le yo itšego wa lena yo a swanetšego go sepela, ke . . . ke thari. Ke maswabi. Ke tla leka go dira bokaone bjo bonnyane gosasa bošego. Ka . . . ke metsotso ye lesome morago ga lesome, ka sešupanako mo lebotong. Ke a le leboga kudu go go tleng ga lena bošegong bjo, gomme a ke Modimo wa Legodimo a le šegofatše. Ge le ka rata go šala le go bogela mothalo wa thapelo, ka mehla le amogelegile. Eupša re ya go thoma go rapelela balwetši bjale, gomme ga ke nyake go le swarelela ge feela le nyaka go šala. Le phatlaladitšwe ka Leina la Morena Jesu. A nke Modimo wa khutšo a sepele le lena gomme a le šegofatše, gomme a le fe khutšo mo mebeleng ya lena, go kgabola bošego, gomme a le fe lephelo le lebotse gore le kgone go bowa morago gape gosasa bošego. Modimo a be le lena bjale.

²⁵⁵ Gomme a nke bao ba nago le dikarata tša thapelo ba emelele go rapelelwa bjale, bjalo ka ge lefasepharephare re rapelela batho. Bjale re nyaka le tsebe, bjale, lena ba le emego ka dikarata tša thapelo, a go ne pelaelo ye itšego bopheleng bja gago? A go ne ye itšego, ntshwareleng, sebe se itšego mo bophelo bja gago seo o sa nkago wa ipolela sona? Ge se le gona, a nke ke go kgopele se. O se ke wa tla ka go mothalo wa thapelo ka sebe se o sa ipolelago sona ka pelong ya gago. Gobane, o swanetše . . . Bjo ke borotho bja bana, o a bona. Gomme ge o se Mokriste, neela bophelo bja gago go Kriste, ka go mothalo wa thapelo, ka morago o tle. Ke ya modumedi. A o tla e dira? Pele Mo amogelegile bjalo ka Mophološi wa gago, gomme gona etla go kgabaganya sefala, go rapelelwa.

256 Bjale ke ya go rapelela motho yo mongwe le yo mongwe; e se be go no feta kgauswi le bona, bjalo ka mohuta wo mongwe wa setlwaedi. Re ka kerekeng bjale. Ke nagana Kgaetšedi Wyatt o re file lebaka la gore re ka dula le go rapela. [Monna o re, “Ee, bošego bjohle, botelele bjo re nyakago.”—Mor.] Re ka dula botelele bjo re nyakago. Gomme ke leboga Kgaetšedi Wyatt le bašomi fa, go re dumelela go dira seo. Modimo a le šegofatše. Monna wa gagwe wa mogale o eme go sefala se, a rapelela balwetši, go fihla a hlokofala, bokgole bjo ke tsebago, lesole la kgonthe la sefapano. Gomme bjale ke leka go tšwelapele go direng selo sa go swana, šegofatša batho ba.

257 Gomme bjale ke a rapela gore yo mongwe le yo mongwe wa lena a tlogo feta fa. . . Ga se o swanele go ipolela se se itšego seo o ratago go. Ga se o swanele go bolela se se itšego se fošagetšego ka wena. E no tla gomme a nke ke go rapelele, gomme dumela.

258 A le a dumela gore Modimo o thomile go dira se? Phagamiša seatla sa gago. Elelwa seo Morongwa wa Morena a se boletšego? “Ge o ka dira batho ba go dumele, hlokofala ge o rapela, ga go se se tla emago pele ga thapelo.” Gomme le a tseba seo ke therešo. Se netefaditšwe, gantši le gantši.

259 Bjale ke ya go kgopela gore Kgaetšedi wa rena Rose, ge a kgona, go bapala yela, *Dumela Feela*, goba, *Matwetwe Yo Mogolo Bjale O Kgauswi*, goba se sengwe.

260 Ke nyaka yo mongwe le yo mongwe wa lena bjale go—go kopanelo le nna. A le tla, gape, lena batho bao le se go ka go mothalo wa thapelo, a le tla be le rapelela batho ba? Gabotse, ba tshepišeng seo, ka go phagamiša godimo seatla sa gago, “Ke tla be ke rapela, o a bona. Bohle re tla be re rapela.” Go lokile. Ya.

261 Nka rata gore le dire, ge le ka swanelwa ke go tloga, eya o homotše ka kgonthe bjale, gore o se tshwenye ge re rapela.

262 A o a dumela e tla fela bjale, kgaetšedi? [Kgaetšedi o re, “Ka pelo ya ka yohle.”—Mor.]

263 Morategi Modimo, ke bea diatla tša ka godimo ga kgaetšedi, go hlohla tlaišego ya mmele wa gagwe. Ka leina la Jesu Kriste, a nke e sepele. Amene.

Šegofala, kgaetšedi.

264 O dumela ka pelo ya gago yohle? Dibe tša gago tšohle o ipoletše? Wena o, bokgole bjo o bo tsebago, o loketše go amogela phodišo ya gago?

265 Morategi Modimo, ke bea diatla tša ka godimo ga kgaetšedi, ka Leina la Morwa wa Gago, Jesu Kriste, le go kgopela gore tlaišego ya mmele wa gagwe e sepele, ka Leina la Jesu. Amene.

266 Dibe tšohle o ipoletše, gomme o loketše phodišo ya gago? O a dumela, ngwanešu? [Ngwanešu o re, “Ke dumela ka pelo ya ka yohle.”—Mor.]

267 Morategi Modimo, ke bea diatla tša ka godimo ga ngwanešu, bjalo ka ge re tseba gore O gona fa, Morena. Ke rapela gore O tla mo fodiša, ka Leina la Jesu Kriste. Amene.

268 Dibe tšohle o ipoletše? Aowa, ga o kwe. [Ngwanešu Branham o bolela ka go nanya le ka go ikgetha ka lebaka la bofowa bja kgaetšedi—Mor.] O dumela gore o tla kwa? [Kgaetšedi o re, “Ke a dumela. Eupša ke bile sefoa.”] O a dumela.

Mosadi ke sefoa bjalo. Re ya go rapela fa.

269 Morategi Modimo, ke a rapela gore O tla fodiša kgaetšedi wa rena, le go tloša bofowa bjo go tloga go yena. O dutše go lefase leo le tswaletšwego, fao a sa kgonego go kwa. Ke a rapela gore O tla mo fa phodišo ya gagwe, ka Leina la Jesu.

270 Ke ya go kgopela batho go fela le inamišitše hlogo tša lena, motsotso. Ke nyaka go bona seo se diregilego go yena. Bjale, ka kgopelo, ka Leina la Jesu Kriste, a nke go se be yo motee a phagamišago hlogo ya gagwe goba mahlo. Bjale, le se ke la dira seo go fihla ke le botša.

271 O kgona go nkwa bjale? [O re, “tše dingwe di hlakahlakantšwe.” Ngwanešu Branham o bethantšha diatla tša gagwe gatee. “Ke kgona go go kwa.”—Mor.] O a nkwa? [“Tše dingwe.”] O kgona go kwa? O kgona go kwa bjale. [Ngwanešu Branham o bethantšha gatee gape.] O a bona? O kwa modumo wola?

272 Bjale o dumela ka pelo ya gago yohle. O tla dira? Gomme o a dumela, gomme Modimo o tla go dira ka go felelela o be kaone. O boletše. Ke no rapela le go bea diatla tša ka mo ditsebeng tša gagwe, gomme o rile o kgona go kwa se sengwe. Go lokile, no ya pele bjale, o dumela gore o ya go kwa ka phethagalo, gomme o tla kwa.

273 Dibe tšohle o ipoletše, kgaetšedi? [Kgaetšedi o re, “Ee”—Mor.] O loketše phodišo ya gago? [“Ee”]

274 Morategi Modimo, ke bea diatla tša ka godimo ga kgaetšedi wa ka, ke tseba gore go rena ga go ne selo se sekaone, go renabeng. Eupša re tseba gore re Bakriste, re tswetšwe ka Moya wa Modimo. Gomme re bea diatla godimo ga kgaetšedi wa rena le go kgopela phodišo ya gagwe, ka Leina la Jesu Kriste. Amene.

275 Bjale o a dumela o ya go fodišwa? [Kgaetšedi o re, “Gabotse!”—Mor.] Go lokile, bjale o—o fodile. [“Ee!”] Yeo ke tsela go e dira. Yeo ke nnete. Go lokile.

276 Dibe tšohle o ipoletše? [Kgaetšedi o re, “Ee, mohlomphegi.”—Mor.] Gomme o loketše phodišo ya gago? [“Ee.”] O a dumela, ka go bewa ga diatla godimo, gore Modimo Yo a tsebago dipelo tša batho, o tla go dira o welwe ke maruru? [“Ke a dira.”]

277 Tatewešu wa Legodimong, ke a rapela gore O tla fodiša kgaetšedi wa rena, bjalo ka ge re bea diatla tša rena godimo ga

gagwe le go kgopela ka Leina la Jesu Kriste gore O tla mo dira a welwe ke maruru. Amene.

278 O dira bjang? Ka nnete, o a tseba ke a tseba seo se fošagetšego ka wena. [Kgaetšedi o re, “Ya.”—Mor.] Eupša ga ke no e bolela; gobane, o a dira, e tla—e tla no fela e eya pele le pele. [“Go lokile.”] Eupša ge o tla . . . Dibe tšohle o ipoletše? [“Ee, mohlomphegi.”] Gomme o dumela gore Modimo o tla go dira o welwe ke maruru? [“Ee, mohlomphegi.”] O a dumela ramatika . . . Ke šetše ke e boletše.

279 Morategi Modimo, ke a rapela gore O tla mo thuša le go mo dira a welwe ke maruru. E fe, ka Leina la Jesu.

O ka se golofale. Sepela, dumela ka pelo ya gago yohle.

280 O a dumela gore Modimo o tla go dira o welwe ke maruru? [Kgaetšedi o re, “Amene.”—Mor.] Dibe tšohle o ipoletše gomme o loketše phodišo ya gago? O a dumela mokokotlo wa gago o tla loka?

281 Morategi Tate wa Legodimong, ke a rapela gore O tla mo fodiša le go mo dira a welwe ke maruru. Ka Leina la Jesu Kriste, a nke go be bjalo. Amene.

Modimo a go šegofatše, kgaetšedi. Sepela, o dumela bjale.

282 Dibe tšohle o ipoletše, kgaetšedi, o loketše phodišo ya gago?

283 Morategi Modimo, dibe tša gagwe, o re, o ipoletše. Ke bea diatla tša ka godimo ga mosadi yo, ka Leina la Jesu Kriste, ke kgopela phodišo ya gagwe. Amene.

284 A dibe tšohle go ipoletše? O swanetše o loke, o babja kudu, o tseba seo. O a tseba gore ke a tseba se se fošagetšego ka wena. Gomme a o a dumela gore Modimo o tla go dira o welwe ke maruru, a fodiša pelo ya gago le go go dira moka o welwe ke maruru?

285 Morategi Modimo, ke a rapela gore ka Leina la Jesu Kriste, gore O tla mo fodiša le go mo dira a welwe ke maruru. A nke se se mo tloge, Tate, ka Leina la Jesu. Amene.

Modimo a go šegofatše bjale. O se belaele. Sepela, o dumela.

286 Dibe tšohle o ipoletše? O loketše phodišo?

287 Morategi Tate wa Legodimong, ke bea diatla tša ka godimo ga kgaetšedi wa rena. Ka Leina la Jesu Kriste, a nke a fole. Amene.

O se belaele. Sepela, o dumela.

288 Dibe tšohle o ipoletše, o loketše phodišo ya gago?

289 Morategi Tate wa Legodimong, ke a rapela gore O tla fodiša ngwanešu wa rena, o tla mo dira a welwe ke maruru. E fe, Tate. Ke bea diatla tša ka go yena, go morero wo, ka Leina la Jesu Kriste. Amene.

Modimo a go šegofatše. Ke e dumela ka pelo ya ka yohle.

290 A o a dumela bjale, kgaetšedi? Dibe tšohle o ipoletše gomme o loketše phodišo ya gago?

291 Morategi Modimo, ke bea diatla tša ka godimo ga kgaetšedi, ka Leina la Jesu Kriste, a nke a fole go letago la Gago. Amene.

292 Bjale feela dinako tše dintši go swana le yeo, feela go kgwatha, bjalo ka ge Jesu a rile, “Dika tše di tla latela bona bao ba dumelago. Ge ba bea diatla tša bona go balwetši.” Ke thoma go lemoga, mo dikopanong, gore e na le maatla diphesente tše masometlhano bokaone go feta seo e se dirago ge o bitša batho mo mothalong, go ba le go hlatha, gobane o no fihla go ba se nene feela. Gomme, tsela ye, go ne ba bantši kudu ba folago.

293 A o ipoletše dibe tša gago tšohle tša go se dumele le se sengwe le se sengwe? O a dumela bjale gore o ya go fola? [Kgaetšedi o re, “Ee, le go lokolla.”—Mor.]

294 Morategi Modimo, ke a rapela gore O tla fodiša kgaetšedi wa rena bjalo ka ge ke tšea diatla tša gagwe le go kgopela ka Leina la Jesu Kriste go phodišo ya gagwe. Amene.

Modimo a go šegofatše, kgaetšedi.

295 A o a dumela bjale? [Kgaetšedi o re, “Ee.”—Mor.] Dibe tšohle o ipoletše? [“Ee.”]

296 Morategi Modimo, ke bea diatla tša ka godimo ga kgaetšedi wa rena, ka Leina la Jesu Kriste, go phodišo ya gagwe. Amene.

Modimo a go šegofatše, kgaetšedi.

Go bonala bjalo o ka re ke selo se sennyane kudu, eupša ke Modimo Yo a e tshepišitšego.

297 Dibe o ipoletše?

298 Morategi Modimo, ke a rapela gore O tla fodiša kgaetšedi wa rena. Bjalo ge ke bea diatla tša ka godimo ga gagwe ka Leina la Jesu Kriste, a nke a sepele a ye go welwa ke maruru. Amene.

299 Dibe o ipoletše?

300 Morategi Modimo, ke a rapela gore O tla fodiša kgaetšedi wa rena, bjalo ge ke bea diatla tša ka godimo ga gagwe, ka Leina la Jesu Kriste. Amene.

301 Bjale ge le sa tla ka tša mekheniki, a nke e rathe maatlatshepedišo, e tla ya go šoma.

302 Dibe o ipoletše? [Kgaetšedi gona o a araba—Mor.] O loketše.

303 Morategi Modimo, ke a rapela gore O tla mo fodiša le go mo dira a welwe ke maruru, ka Leina la Jesu Kriste. Amene.

Modimo a go šegofatše, kgaetšedi.

304 Dibe tšohle o ipoletše? [Kgaetšedi o re, “Se sengwe le se sengwe.”—Mor.]

305 Morategi Modimo, bjalo ka ge mosadi yo a ntebeletše ka leihlong, ke dumela seo. Ke rapela gore O tla mo fodiša, ka Leina la Jesu.

306 O no ba o mo tliša, a ke re, kgaetšedi? O no ba o mo tliša? Go lokile. [Kgaetšedi o re, “Ke sefofu, gape.”—Mor.] O a dumela, kgaetšedi, gore Modimo o tla go dira o welwe ke maruru? [Kgaetšedi wa sefofu o re, “Ke a dumela Modimo a ka mpha go bona gape.”] Modimo a go šegofatše.

307 Tate wa Legodimong, ka mehla O tletše ka mogau go difofu, le go bahloki. Bjale ba bone seo O se dirilego bošegong bjo. Kafao re a dumela, Morena, seka se segolo se sa mafelelo se sepela magareng ga rena bjale. Ke kgopelela mosadi yo wa sefofu go bona go tle go yena, ka Leina la Jesu Kriste. Amene.

308 [Yo a bego a foufetše, o re, “Ke go leboga, Jesu.”—Mor.] Bjale, re begele bjale. E bege. [“Ke tla dira!”]

309 [Yo a tlišitšego kgaetšedi wa sefofu, o kgopela thapelo—Mr.] Oo, ee, o dumela gore Modimo o tla go fodiša? [“Haleluya!”]

310 Morategi Tate wa Legodimong ke bea diatla tša ka godimo ga kgaetšedi wa rena le go kgopela gore O mo fodiše, ka Leina la Jesu Kriste. Amene.

311 Modimo a go šegofatše, kgaetšedi. A re kwe ka fao—ka fao o yago pele.

312 O a dumela, kgaetšedi? [Kgaetšedi o re, “Ee, ke a dira.”—Mor.]

313 O Morategi Tate wa Legodimong, ke rapelela kgaetšedi wa rena, ke tshepa gore O tla mo fodiša bjale. Ke bea diatla tša ka go yena, ka Leina la Jesu Kriste.

Bjale dumela. Yeo ke nnete. E no sepela, o dumela.

314 A o a dumela, ngwanešu? [Ngwanešu o re, “Ee.”—Mor.] Dibe tšohle o ipoletše?

315 Morategi Modimo, ke a rapela gore O tla fodiša ngwanešu wa rena e go mo dira a welwe ke maruru, ka Leina la Jesu Kriste. Amene.

316 O a dumela, kgaetšedi?

317 O Modimo, ke a rapela gore, ka Leina la Jesu Kriste, ka boikokobetšo, ka bobose le boithobo bja iri ye, a nke Moya wo Mokgethwa o dire mosadi yo a felele. [Kgaetšedi o re, “Gomme ke a rapela, k rapelela morwa wa ka. Ga se ke mmone go mengwaga ye masomepedi.”—Mor.] Ke rapela gore Modimo o tla romela morwa wa gago go wena, kgaetšedi, morategi. Modimo a go šegofatše.

318 Morategi Modimo, ke rapelela kgaetšedi wa rena fa. Ka bobose bja Moya wo Mokgethwa, a nke A tle bjale le go fodiša kgaetšedi wa rena, ka Leina la Jesu. Amene.

O šegofale, kgaetšedi.

319 Morategi Modimo, ke rapelela ngwanešu wa ka, bjalo ka ge a eme fa le go bea diatla godimo ga gagwe, le go kgopela phodišo ya gagwe, ka Leina la Jesu.

320 O šegofale, ngwanešu wa ka. [Ngwanešu o re, “Modimo a go šegofatše.”] Go lokile.

Mošemane yo monnyane?

321 Morategi Modimo, go beeng diatla godimo ga yo monnyane, ke a mo šegofatša ka Leina la Jesu Kriste, go phodišo ya gagwe.

322 O a dumela bjale, kgaetšedi? [Kgaetšedi o re, “Ee.”—Mor.] O nyaka go rapelelwa le wena?

323 Morategi Modimo, ke a mo rapelela, bjalo ge ke bea diatla godimo ga gagwe. Bjale, ye ke thomo ya Gago, ke seo o se rilego dirang, “Dika tše di tla latela bona bao ba dumelago. Ge ba bea diatla tša bona go balwetši, ba tla welwa ke maruru.” O e boletše, Morena. Amene.

Bjale, O boletše seo, a ga se A ke? Go swanetše go be ka tsela yeo, kgaetšedi.

324 Morategi Modimo, ke rapela gore O tla fodiša kgaetšedi wa rena le go mo dira a welwe ke maruru, ka Leina la Jesu Kriste. Amene. Modimo a go šegofatše, kgaetšedi.

325 O tlile o dumela, kgaetšedi?

326 Morategi Tate wa Legodimong, ke kgopela ditšhegofatšo tša Gago go kgaetšedi wa rena, go no obamela seo O rilego dirang. O rile, “Dika tše di tla latela bona bao ba dumelago. Ge ba bea diatla tša bona go balwetši,” O rile, “ba tla welwa ke maruru.”

327 A nke ke eme fa feela nakwana, go re ka go se, go no dira batho ba khutše nakwana, feela nakwana. Moswaswalatši o kile a re, go nna, seo ga se bjalo. Eupša, o a bona, O rile, “Dika tše di tla latela.”

328 Le kwele Molaetša wa ka go *Teko*, go bea Jesu go teko. Le a bona, O boditše Noage, “E ya go na.” Ga se nke e ne go mengwaga ye legole le masomepedi a mengwaga, eupša e nele go le bjalo. O boditše Abraham o tla ba le morwa ka Sarah. Go bile mengwaga ye masomepedi tlhano moragorago. Ga se nke a re neng. O rile ba tla ba le morwa. Mengwaga ye masomepedi tlhano moragorago, e diragetše. Le a bona, ga se nke A re neng.

329 O rile, “Thapelo ya tumelo e tla phološa molwetši. Modimo o tla ba phagamišetša godimo. Ge ba bea diatla go balwetši, ba tla welwa ke maruru.” A ke seo A se boletšego? [Phuthego e re, “Amene.”—Mor.] Ga se nke a re ba tla tabogela godimo gomme ba e dira thwi nako yeo. O rile, “Ba tla welwa ke maruru.” Le a bona, yeo ke tšhepišo ya Gagwe. Seo ke se re se dumelago.

330 Etle, kgaetšedi. O dumela seo go ba therešo? [Kgaetšedi o re, “Ee, ke a dira.”—Mor.] Gona ga go tsela go go thibela go ka fola.

331 Ke bea diatla tša ka godimo ga kgaetšedi, ka Leina la Jesu Kriste, go phodišo ya gagwe. Amene.

332 A o a dumela, kgaetšedi? [Kgaetšedi o re, “Ee.”—Mor.] Dibe tšohle o ipoletše, gomme o itokišeditše?

333 Morategi Modimo, ke bea diatla tša ka godimo ga kgaetšedi, ka go obamela taelo ya Gago, le go kgopela phodišo ya gagwe, ka Leina la Jesu. Amene.

334 Ke nyaka lena bao le rapeletšwego, ke nyaka le ntirele monyetla. Ke nyaka le bege, pele dikopano tše di rungwa, ke eng se diregago; gomme le no dumelela batheeletši, batho ba bangwe, go bona ke eng ka kgonthe se diregago. Mohlomongwe gosasa, letšatši la go latela, goba neng, le no šetše ke eng se diregago.

335 Poso ya ka e bontšhitše gore e—e fapana kudukudu go feta go no ba dumelela ba leka, go leka tumelo ya bona beng. Gobane, Jesu o rile, “Ba bea diatla godimo ga bona. Ba bea diatla godimo ga bona, ba tla welwa ke maruru.” Bjale swarang seo A se boletšego. Ga se a re ba tla tabogela godimo le go kitima godimo le tlase lebatong. Ba ka kgonla go dira seo. Eupša O rile, “Ba tla welwa ke maruru.” A ke seo A se boletšego? Ke seo A se boletšego. Ke seo ke se dumelago. Gomme O fa bjale, Yena yo a boletšego Lentšu o fa go le dira bjalo.

336 O a dumela, mohlomphegi? [Ngwanešu o re, “Amene.”—Mor.]

337 Morategi Tate wa Legodimong, godimo ga boipolelo bja tumelo ya gagwe le go dumela, ke bea diatla tša ka godimo ga gagwe, ka Leina la Jesu Kriste, go phodišo ya gagwe.

338 Morategi Modimo, ke bea diatla tša ka godimo ga mosadi yo, ka Leina la Jesu Kriste, go phodišo ya gagwe. Go lokile.

339 Morategi Tate, ke bea diatla tša ka godimo ga mosadi yo, ka Leina la Jesu Kriste, go phodišo ya gagwe. O rile, “O tla welwa ke maruru.”

340 O itokišeditše go fola, kgaetšedi?

341 Morategi Modimo, ke bea diatla tša ka godimo ga gagwe, ka Leina la Jesu Kriste, gore O tla mo fodiša.

342 Go lokile, kgaetšedi, morategi, se sengwe le se sengwe se loketše bakeng sa phodišo? Tumelo ya gago bjale e phethagaditšwe, o dumela o ya go ba kaone?

343 Gomme, Modimo, ke bea diatla tša ka godimo ga gagwe, ka go obamela taelo ya Gago, “Go lefase lohle, sebopiwa se sengwe le se sengwe.” Ke bea diatla godimo ga gagwe, ka Leina la Jesu, go phodišo ya gagwe.

344 Morategi Modimo, ke bea diatla tša ka godimo ga ngwanešu wa ka, ka Leina la Jesu Kriste, go phodišo ya gagwe.

345 Morategi Modimo, ke bea diatla tša ka godimo ga kgaetšedi wa ka, ka Leina la Jesu Kriste, go phodišo ya gagwe.

346 [Ga go selo go theipi—Mor.] . . . go ya fase ga matrapo. Ke no se nyake go le lapiša. Le tla ba loka gohle ge le ka dumela seo bjale.

347 Morategi Modimo, ke a rapela gore O tla fodiša kgaetšedi wa ka, ka Leina la Jesu Kriste. Amene.

348 [Ga go selo go theipi—Mor.]...go nthuša go rapelela batho ba.

349 Bjale re ne disakatuku tše dingwe fa, le go ya pele, gare fa, go rapelelwa godimo. Gomme ke nyaka le tšwelepele go rapela le nna bjale, bjale, diphuthelwana tše nnyane tše, bjale. Ke a tseba se se kwagala se tlabo kudu go batho go rapelela selo se sennyane go swana le se. Eupša ge le ka no tla ka ofising ya ka, gatee, gomme la no bogela. Ge re ka be re bolokile mabopaki go kgabola mengwaga ye, ke a kgolwa le be le ka se kgone go kgobela godimo ga sefala se, bao ba fodišitšwego ka go no romela ntle mašelana a thapelo a bjalo ka le, dimilione tša ona, go dikologa le go dikologa lefase. Bjale, le a tseba ke eng e lego—e lego?

350 Yo mongwe tšea sakatuku sela fale bakeng sa yola—yola yo mofsa. . . O tla tseba sakatuku sa gago, o tla dira, ngwanešu? Go lokile.

351 Gomme ke bone ba bannyane, bana ba golofetšego ba fodišwa. Gomme le a bona, seo e lego sona, e no ba lefelo la go kgokagana, bjalo ka ge Oral Roberts a fela a bolela. E no ba lefelo la go kgokagana. Re a rapela. Bjale, ga re dire se renabeng, re dira se gobane Beibele e re roma go dira se. Re a tseba bohle seo ke therešo.

352 Bjale, go ne batho ba bantši bao ba tlotšago disakatuku, le go ya pele. Gabotse, bjale, re nagana seo se lokile, kgonthe, eupša ge re no. . . Beibele ga se nke ya bolela gore ba “tlotitše” disakatuku.

353 “Eupša ba tšere go tšwa mmeleng wa Paulo disakatuku.” Bjale le bona seo ke bego ke bolela ka sona? Bjale, seo ba se bonego, maatla ale a go phediša a bego a le go Paulo, gore ba tsebile o be a le mohlanka wa Modimo. Ba tsebile gore Modimo o be a le ka go yena. Ba tsebile gore se sengwe le se sengwe seo a se kgwathago se šegofetše. Ke ba bakae ba kwešišago seo? Ereng, “Amene.” [Phuthego e re, “Amene.”—Mor.]

354 Le a tseba, ke nagana Paulo o be a tloge a le Lengwalong ka seo a se dirilego. A ga le dumele bjalo? Le nyaka ke le botše fao ke naganago o tšere mogopolo wa go e dira? [Yo mongwe o re, “Go tšwa go Elisa.”—Mor.] Go tšwa go Elisa, ke nnete. Le a bona, Elisa o rile, “Tšea lepara le gomme o ye o le bee go lesea.” Gomme moprofeta o rometše lepara gobane o tsebile gore se sengwe le se sengwe seo a se kgwathago se šegofetše. O tsebile leemo la gagwe. O . . . ge a ka kgona feela go dira mosadi go dumela selo sa go swana.

355 Bjalo bonang, bjale, Beibele ga se ke ya re, “Ba tla rapelela balwetši.” E rile, “Ba tla bea diatla go balwetši.”

356 Bjale e nno naganang, batho ba bone, go moapostola Petro, Bogona bja Modimo bo bonagaditšwe ka go monna yo, gagolo go fihla ebile ba—ba beile batho mo moriting w gagwe, gomme ba ile ba fola. Ke ba bakae ba tsebago seo ke go ya ka Lengwalo?

[Phuthego e re, “Amene.”—Mor.] Seo e no ba kudu Lengwalo bjalo ka Johanne 3:16. Le a bona, Ke ka moka Lentšu la Modimo. Bjale, batho, le a tseba moriti wa monna yola ga se nke o fodiše batho.

³⁵⁷ Eupša, lebelelang, ge maatla a Modimo a bile godimo ga moprofeta yola, mengwaga le mengwaga morago ga ge a hwile, gagolo go fihla monna yo a hwilego o lahletšwe godimo ga mmele wa gagwe, mašapo a gagwe. Mmele o be e bile o se gona; mašapo a be a le gona. Gomme Bogona bja Modimo bo bile godimo ga mašapo ale, go fihla monna yola wa go hwa a phela.

³⁵⁸ Bjale a ga le tsebe gore Modimo yola wa go swana yoo a dirilego dilo tšela o thwi fa bošegong bjo? Go—go nna, ke nagana re swanetše re be batho bao ba thabilego thabi ka go lefase lohle. E nno naganang ka se.

³⁵⁹ Ke—ke tshepa gore ga ke kgahliše batheeletši ba ka go dumela gore ke se sengwe seo ke se dirago nnamong. Le—le tseba bokaone go feta seo. Ke, ke ngwanabo lena, le a bona, gomme ke no ba ngwanabo lena.

³⁶⁰ Eupša ke a tseba, ke tseba se, gore Modimo o fa. Gomme ke a tseba gore O re file se sengwe, se re sa kgonego go se hlalosa, feela ka Lentšu la Modimo, go tleleima gore e swanetše go ba fa ka nako ye. Kafao, gape e re fa boitsebišo go tseba gore re phela mo matšatšing a bofelo. E re fa boitsebišo go tseba gore batho ba, bakgethiwa ba, bahlaolwa, ba biletšwa ntle, ba go kgethelwapele . . .

³⁶¹ Bjale, leo ke lentšu le legolo, *kgethelopelo*, eupša bohle re a tseba gore ke therešo. Re tseba ka phethagalo gore Modimo wa go se fele o kgethetšepele dilo tšohle ka tselopele pele ga motheo wa lefase, e bile le Kwana e bolailwe; le leina le lengwe le le lengwe leo le ka tsogego la ba mo Pukung, le beilwe mo Pukung pele Puku e ka tsoge ya ngwalwa. Bjale ke ba bakae ba tsebago seo ke therešo? [Phuthego e re, “Amene.”—Mor.]

³⁶² Gomme Jesu o tlile go—go lopolla bao ba bilego ka Pukung. Ka Beibeleng, Kwana e tlile go tšwa ka morago ga garetene, gomme ya tšea Puku le go bula Mahuto ao E bego e tswaletšwe ka ona, ka gore O tlile go tleleima tšohle A di lopolotšego. Ke Morapeledi bjale, Morapeledi a dirago dithapelelo go bao A ba lopolotšego. Bohle bao leina la bona le ngwadilwego mo Pukung ya Kwana ya Bophelo, o lopolotšwe.

³⁶³ Bjalo ka ge ke dirile statamente se sennyane sa go se hlotlwe bošego bjo bongwe . . . ke letile . . . disakatuku tše tšohle fa. Ga ke no leka go rera godimo gape, eupša go bile le setatamente se sennyane . . . Ke a holofela se ga se kwagale go goboša tumelo, le a bona. Eupša go swana le molemi yo a beilego kgogotshadi, gomme a se be le mae a lekanego, kafao o tšere lee la ntšhu, gomme o le beile ka tlase ga kgogotshadi gomme ya phaphašetša ntle ntšhu. Gomme o be a le moisa wa go se tlwaelegege

magareng ga matsuana ohle, gobane ba be ba sa bone dilo go swana. Eupša ke ka moka a ilego a ke a bona, e bile kgogotshadi. O kwele feela lentšu le tee, ga se le kwagale go swana le lentšu la gagwe. Le gona o be a ka se dire lentšu go swana le kgogotshadi goba matsuana. O be a sa thabele dijo tša bona, bjalo ka ge ba eja go tšwa setaleng. Go be go le se sengwe go fapana ka yena, efela ga se a tsebe seo phapano e bego e le.

³⁶⁴ Gomme kagona letšatši le lengwe, go bile le mme ntšhu go a tsebilego o beetše bontši bja mae a makaalo. Gomme go be go le le lengwe la mae ao, leo e bego e tlo ba morwa wa gagwe, o be a timetše. Kafao o ile go mo tsoma, gomme a mo hwetša ka setaleng. Gomme o goeleditše. Gomme ge a goeleditše, ntšhu ye nnyane e tsebile lentšu la mme. Bjalo ka ge Jesu a rile, “Dinku tša ka di tseba Lentšu la Ka.”

³⁶⁵ Ke a nagana, bošego bja go feta, ge ke bone phanele yela ya Mabaptist, Presbyterian, le e ka ba eng gape, ba ka no ba ba godišeditšwe ntle ka tlase ga kgogotshadi. Ntshwareleng, ngwanešu, le a bona. Eupša Mme o tsebile O bile le moratiwa wa Gagwe ntle fale felotsoko. Kafao bona banna ba eme fale, go sa ganetšwe mojo ba o hweditšego go tšwa go mme kgogotshadi, le go ya pele, eupša bjale ke dintšhu, le a bona, ba fofa bakeng sa dijo tša bona. Le a bona?

³⁶⁶ Gomme ke a nagana kereke ke selo se sengwe go swana le tiragalo ke e bonego e se kgale botelele, go tla tlase go tšwa Tucson, goba go tšwa—go tšwa Phoenix, go ya Tucson. Ke bone pono ya sephiri. Gomme e nyakile e roba pelo ya ka, go bona seo se diregilego, ka fao. . .kgwadira, yeo e bego e tlwaetše go fofa sebakabakeng, ngwanabo ntšhu, yeo e lego seswantšho sa kereke.

³⁶⁷ Gomme Jehofa ke Ntšhu. O biditše baprofeta ba Gagwe “dintšhu.” O ipiditše Yenamong, Jehofa, “Ntšhu.”

³⁶⁸ Eupša kgwadira ye ke kgale e lahlegetšwe ke boitsebišo bja yona, gobane ga e sa akalala gape go kgabola sebakabaka le go tsoma dijo tša yona go swana e swanetše go. Eupša e dula godimo ga mathale a mogala le go dira bjalo ka motopeledi. O—o tsoma mebutla yeo e bolailwego ke dikoloi, gomme yena le lenong ba tšwela ntle fale le go ja mmogo. O tshelatshele go swana le lenong, sebakeng sa go sepela go swana a swanetše go sepela. O lahlegetšwe ke boitsebišo bja gagwe.

³⁶⁹ Gomme ke bolela se lohle ka lerato la semodimo le tlhompho, kereke ke kgale e lahlegetšwe ke boitsebišo bja yona bjalo ka kgaetšedi ntšhu. O dula go dikologa. Sebakeng sa go epa ka gare ga Lentšu le go hwetša ge e ba dilo tše di nepile, o letela sehlopha sa dingwalwa tšwa sekolo sa Lamorena seo se dirilwego ke sehlopha sa dihlaefi felotsoko, mmotla wo mongwe wa go hwa woo o bolailwego felotsoko. O tshelatshele go swana le lenong! Modimo re thuše go fofela kgole go tloga go seo.

370 Ditshepišo tše ke therešo. E se go seo yo mongwe a se boletšego ka Yona, eupša seo Modimo a boletšego ka tšona! Ke therešo. Ke thabile bjang go amana le di dintšhu.

A re rapeleng mmogo bakeng sa bao ba babjago ba rena.

371 Morategi Tate wa Legodimong, go rutilwe ka Beibeleng gore ba tšere go tloga mmeleng wa Paulo, disakatuku le dithethwana, gomme matimone a ile ntle ga batho, gomme meboya ya ditšhila ya ba tlogela. Bjale, Tate, nna ke eme fa godimo ga disakatuku tše, di emetše motho yo mongwe le yo mongwe yoo a lego gona. Ke Mmele wa Kriste, rena mmogo. Re a tleleima, ka mogau le lerato, gore re fa go emela Monyalwa wa Gago, le go dumela, go amana le Yena ka Mmušong wa Gagwe. Gomme re a tseba ga se rena Mokgethwa Paulo, eupša re a tseba O sa le Jesu.

372 Gomme re a rapela gore O tla hlompha tumelo ya batho ba. Ge ba ka be ba phetše morago mo matšatšing a Paulo, ba ka be ba kwele Ebangedi ya go swana, ba bone dilo tše tša go swana. Ka gona, ke batho ba mohuta o tee. O Modimo wa go swana. Kafao ke a rapela, Morategi Modimo, gore O tla hlompha tumelo ya bona, go swana le ge O dirile bale mo matšatšing a Beibele. Gomme a ke maatla a mangwe le a mangwe a letimone, bolwetši bofe le bofe, tlaišo efe kapa efe, yeo e tlemilego batho bao disakatuku tše le diphuthelwana tše fa di emetšego, a nke maatla ale a mabe a bolwetši a ba tloge.

373 Go boletšwe, nako ye nngwe, gore Israele e be e sepela mo mothalong wa mošomo, go ya lefaseng la tšhepišo. Gomme thwi ka mothalong wa mošomo, lenaba la tla le go ba kgarameletša godimo sekhutlong, gomme Lewatle le Lehubedu la ba ripa go tšwa go tloga go mothalo wa mošomo, le ka mogwantong wa bona. Gomme Modimo o lebeletše tlase go tšwa magodimong, ka Pilara ya Mollo, gomme lewatle la tšhoga. La phuthaganya morago maphotho a lona, gobane maphoto a Modimo a be a le botlase bja lewatle. Gomme Ya dira tsela sebakeng sa bana ba Gagwe, ba sepela mo mothalong wa go obamela.

374 Bjale, Modimo, ge eba Lewatle le Lehubedu le tšhoga, le go phuthaganya morago maphoto a lona, go phuthaganya morago meetse a lona, le go fa sebaka go bana ba ba lego leetong ba gwanta ka go obamela; Morategi Modimo, bošegong bjo, lebelela fase go kgabola Madi a Morwa wa Gago, Jesu, Yo a dirilego tšhepišo. Gomme ge disakatuku tše di beilwe godimo ga mebele ya go babja ya batho, a nke mahlo a Modimo a lebelele, gomme a nke bolwetši bjoo, diabololo yoo, a tšhoge le go šuthela kgole. Gomme a nke batho ba tšwetšepele leeto go ya Nageng ya tšhepišo, ka lephelo le lebotse le maatla. Bjalo ka Israele e gwantile go kgabola lešoka, ga se go be le motho wa sekoka magareng ga bona, ka mafelelong a mangwe. A nke e fiwe go batho ba, Tate, ka gore re romela disakatuku tše, ka Leina la Jesu Kriste. Amene.

³⁷⁵ Modimo a le šegofatše, yo mongwe le yo mongwe wa lena. Bjalo ka ge le tšea disakatuku tša lena bjale, le dumele ka dipelo tša lena tšohle. Le a dumela gore Modimo o kwa se? [Phuthego e re, “Amene.”—Mor.] Le a bona? Ke, ke nyaka go bolela se. Le se ke, le se ke la belaela, nthatana e tee. Le a bona, go ka bonala go tlabo ka kgonthe. Ntshwareleng, feela motsotso. Le se belaele, nthatana e tee. Eupša dumelang bjale gore, seo re se kgopetšego, Modimo o a fa.

³⁷⁶ A le a dumela gore Modimo o fa, o tseba sephiri sa pelo ya gago? Le a tseba le go dumela yoo ke Modimo? [Phuthego e re, “Amene.”—Mor.] Bjale e no dudišang megopolo ya lena bjale, e ka se be selo gape. Le a bona?

³⁷⁷ Bjale, go ka reng ge go ka ba e gosasa go gogolo, mengwaga tsela kgale ye e tla ba histori. Gomme ge batho, mo mengwageng e tlogo, ge go ka be go le se bjalo, ba tla tla le go re, “Gabotse, ge nka be ke phetše nako yeo, nka be ke bone seo se dirwa, mošemane, ke ka moka nka bego ke swanetše go tseba. Nka be ke e dumetše thwi nako yeo!” Le a bona, selo sa go swana seo o se dumelago, ge o ka be o bile morago fale ge A e dirile nako yeo! Elelwang, e sa le Yena. Ke Bophelo bja Gagwe ka go wena. Modimo a le šegofatše.



GO NETEFATŠA LENTŠU LA GAGWE NST65-0426
(Proving His Word)

Molaetša wo ka Ngwanešu William Marrion Branham, setlogong o abilwe ka Seisemane ka Mošupologo mantšiboa, Aporele 26, 1965, go khonferense ya Full Gospel Businessmen's Fellowship International ka Embassy Hotel ka Los Angeles, California, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme e phatlalatšwa ke Voice of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org